

MARCI  
TULLII  
CICERONIS  
EPISTOLARUM  
LIBRI IIII,

Cum postremis *H. Stephani*  
& *D. Lambini* editionibus di-  
ligenter collati, & quàm  
accuratissimè emendati:

A  
JOANNE STURMIO  
*puerili educationi confecti.*

Huic Editioni accesserunt Græca  
Latinis expressa.

CANTABRIGIÆ:  
Ex Academia celeberrimæ  
typographico. 1635.







JOANNES STURMIUS

JACOBO STURMIO

FRATRI S.




Udivisti sæpe (ut memini) ex me, *Jacobe* frater, studiorum nostrorum finem, rerum cognitionem, & orationis elegantiam esse debere. Rerum etiam doctrinam, sine sapientia religionis, minimùm prodesse; & dicendi rationem absque optimorum scriptorum assidua lectione atque artificiosa imitatione non comparari talem, qualem desideramus. Itaque sapènumero dixi (si meministi) ad religionem pueros excitandos esse, & proponendum illis in scholis Ciceronem: quorum altera mentem, alter linguam optimè possit informare. Sed habenda ratio est, in educatione linguæ, non solum ætatum, sed etiam virium & ingeniorum. Ab Epistolis principium rectè sumi potest, si deligantur, quæ argumento faciles sunt, & sunt rerum non ignotarum, atque hujusmodi verborum,

rum, quæ in nostra manserunt consuetudine.  
Hanc rationem ego in hisce quatuor libris con-  
ficiendis secutus sum: neq; artificiosissimè, neq;  
sapientissimè scriptas Epistolas delegi, sed quæ  
à pueris intelligi possent, & haberent nostræ  
consuetudinis verba, & sermonis quotidiani  
sententias, earumque formas, nobis quidem non  
usitatas, sed tamen apertas, & elegantes, & do-  
ctas. Hæc ego ad te mitto, quò videas me in  
eadem adhuc esse sententia, in qua fui olim. A-  
mabò te, optatissime frater, perge porrò in hoc  
literarum curriculo progredi. Audio nihil de stu-  
diis tuis; abs sum procul: metuo valde, cùm cogi-  
to posse fieri, ut non meis optatis, & patris ex-  
pectationi satisfacias. Expecto li-  
teras tuas, ut intelligam, tum  
quantum profeceris, tum  
quantum de te possi-  
mus deinceps spe-  
rare. Vale.

*Argentina, tertio Calendas Februarii.*

*Anno 1539.*



M. T. CICERO

TERENTIÆ

salutem plurimam

dicit.

Fam. lib. 14. Epist. 22.



*I vales, bene est; ego valeo. Nos quotidie tabellarios vestros expectamus: qui si venerint, fortasse erimus certiores, quid nobis faciendum sit, faciemusque te statim certiores. Valetudinem tuam cura diligenter. Vale. Cal. Septemb.*

M. T. C. Terentiæ S. P. D. Fam. lib. 14. Epist. 21.

*S I vales, bene est; ego valeo. Da operam ut convalescas: quod opus erit, ut res tempusque postulat, provideas atque administres, & ad me de omnibus rebus quam sapissime literas mittas. Vale.*

M. T. C. Terentiæ S. P. D. Fam. lib. 14. Epist. 8.

*S I vales, bene est; ego quidem valeo. Valetudinem tuam velim cures diligentissimè. Nam mihi & scriptum & nunciatum est, te in febrim subito incidisse. Quod celeriter me fecisti de Cæsaris*

*ris literis certiozem, fecisti mihi gratum. Item posthac, si quid opus erit, si quid acciderit novi, facies ut sciam. Cura ut valeas. Vale. Datum 4. Non. Jun.*

M. T. C. Terentiæ S. P. D. Fam. lib. 14. Epist. 24.

**S***I vales, bene est; valeo. Nos neque de Caesaris adventu, neque de literis quas Philotimus habere dicitur, quicquam adhuc certi habemus. Si quid erit certi, faciam te statim certiozem. Valetudinem tuam fac ut cures. Vale. Tertio Idus Sextiles.*

M. T. C. Terentiæ S. P. D. Fam. lib. 14. Epist. 23.

**S***I vales, bene est; valeo. Reddita mihi jam tandem sunt à Cesare literæ satîs liberales; & ipse opinione celerius venturus esse dicitur. Cui utrum obviàm procedam, an hîc eum expectem, cùm constituerò, faciam te certiozem. Tabellarios mihi velim quamprimum remittas. Valetudinem tuam cura diligenter. Vale. Prid. Idus Sex.*

M. T. C. Terentiæ S. P. D. Fam. lib. 14. Epist. 17.

**S***I quid haberem quod ad te scriberem, facerem id, & pluribus verbis, & sapius. Nunc quæ sunt negotia vides. Ego autem quomodo sim affectus, ex Lepta & Trebatio poteris cognoscere. Tu fac, ut tuam & Tullie valetudinem cures. Vale.*

M. T. C. Terentiæ S. P. D. Fam. lib. 14. Epist. 15.

**S***I vales, bene est; valeo. Constitueramus, ut ad te antea scripseram, obviàm Ciceronem Cesari mittere: sed mutavimus consilium, quia de illius adventu*

*adventu nihil audiebamus. De ceteris rebus etsi nihil erat novi, tamen quid velimus, & quid hoc tempore putemus opus esse, ex Sicca poteris cognoscere. Tulliam adhuc mecum teneo. Valetudinem tuam cura diligenter. Vale. 12. Calend. Quintiles.*

M. T. C. Terentiæ S. P. D. Fam. lib. 14. Epist. 19.

**I**N maximis meis doloribus excruciat me valetudo Tullie nostræ: de qua nihil est quod ad te plura scribam, tibi enim aequè magnæ curæ esse certò scio. Quod me propius vultis accedere, video ita esse faciendum: etiam antè fecissem; sed me multa impedierunt, quæ nunc quidem expedita sunt. Sed à Pomponio expecto literas, quas ad me quamprimum perferendas cures velim. Da operam ut valeas.

M. T. C. Terentiæ S. P. D. Fam. lib. 14. Epist. 12.

**Q**UOD nos in Italiam salvos venisse gaudes, perpetuò gaudeas velim. Sed perturbati dolore animi, magnisq; injuriis, metuo nè id consilii ceperimus, quod non facile explicare possimus. Quare, quantum potes, adjuva. Quid autem possis, mihi in mentem non venit. In viam quod te des hoc tempore, nihil est: & longum est iter, & non tutum: Et non video quid prodesse possis, si veneris. Vale. Datum pridie Nonas Novemb. Brundusii.

M. T. C. Terentiæ S. P. D. Fam. lib. 14. Epist. 11.

**S**I vales, bene est; valeo. Tullia nostra venit ad me pridie Idus Junii, cujus summâ virtute &



*singulari humanitate, graviore etiam sum dolore affectus, nostrâ factum esse negligentia, ut longè alia in fortuna esset, atque ejus pietas ac dignitas postulabat. Nobis erat in animo, Ciceronem ad Casarem mittere, & cum eo Cneum Salustium. Si profectus erit, faciam te certiozem. Valetudinem tuam diligenter cura. Vale. 17. Calend. Quint.*

M. T. C. Tyroni S. P. D. Fam. lib. 16. Epist. 2.

**S**epimum jam diem Corcyra tenebamur: Quam autem pater, & filius Buthroti solliciti eramus de tua valetudine mirum in modum: nec mirabamur nihil à te literarum; iis enim ventis istinc navigatur, qui si essent, nos Corcyra non sederemus. Cura igitur te, & confirma, & cum commodè & per valetudinem, & per anni tempus navigare poteris, ad nos amantissimos tui veni. Nemo nos amat, qui te non diligit. Charus omnibus expectatusque venies. Cura ut valeas etiam atque etiam, Tyro noster. Vale. 15. Cal. Novemb. Corcyra.

M. T. C. Tyroni S. P. D. Fam. 16. 4.

**N**on quæo ad te, nec lubet scribere quo animo sim affectus; tantum scribo, & tibi, & mihi maxime voluptati fore, si te firmum quamprimum videro. Tertio die abs te ad Alyziam accesseramus. Is locus est circa Leucadem stadia 120. Leucade aut te ipsum, aut tuas literas à Marione putabam me accepturum. Quantum me diligis, tantum fac ut valeas, vel quantum te à me scis diligi. Nonis Novemb. Alyzia.

Cicero

Cicero filius Tyroni S. P. D. Fam. lib. 16. Epist. 25.

**E**T si justâ & idoneâ usus es excusatione intermissionis literarum tuarum, tamen id nè sæpius facias rogo. Nam etsi de republica, rumoribus, & nuntiis certior fio, & de sua in me voluntate semper ad me perscribit pater: tamen de quavis minima rescripta à te ad me Epistola semper fuit gratissima. Quare cum imprimis tuas desiderem literas, noli committere, ut excusatione potiùs expleas officium scribendi, quàm assiduitate literarum. Vale.

M. T. C. Servitio Sulp. S. P. D. Fam. lib. 13. Epist. 25.

**H**Agesaretus Larissæus, magnis meis beneficiis ornatus in consulatu meo, memor, & gratus fuit, meque postea diligentissimè coluit. Eum tibi magnopere commendo, ut & hospitem & familiarem meum, & gratum hominem, & virum bonum, & principem civitatis suæ, & tuâ necessitudine dignissimum. Pergratum mihi feceris, si dederis operam, ut is intelligat hanc meam commendationem magnum apud te pondus habuisse. Vale.

M. T. C. Trebatio S. P. D. Fam. 7. 18.

**E**Pistolam tuam, quam accepi ab L. Aruntio, conscidi innocentem: nihil enim habebat, quod non vel in concione rectè legi posset. Sed & Aruntius ità te mandasse aiebat, & tu adscripseras. Verùm illud esto: nihil te ad me postea scripsisse demeror, præsertim tam novis rebus. Vale.

M. T. C.

M. T. C. Q. Val. Q. Fil. S. D. Fam. 13. ex Epist. 6.

**P**. Cornelius, qui tibi has literas reddidit, est mihi à P. Cuspio commendatus: cuius causâ quantopere cuperem, deberemque, profectò ex me facile cognovisti. Vehementer te rogo, ut cures, ut ex hac commendatione mihi Cuspius quàm maximas, quam primum, quàm sepiissime, gratias agat. Vale.

M. T. C. S. P. D. C. Memmio. Fam. lib. 13. Epist. 3.

**A**ulum Fufum unum ex meis intimis, observantissimum, studiosissimumque nostrum, eruditum hominem, & summam humanitatem, tuamque amicitiam dignissimum, velim ita tractes, ut mihi coram recepisti. Tam mihi gratum id erit, quàm quod gratissimum. Ipsum præterea summo officio, & summam observantiam tibi in perpetuum devinxeris. Vale.

M. T. C. S. P. D. Cornificio. Fam. lib. 12. Epist. 27.

**S**extus Aufidius, & observantiam, quam me colit, succedit ad proximos; & splendore, equiti Romano nemini cedit. Est autem ita temperatis moderatisque moribus, ut summa severitas summa cum humanitate jungatur. Cujus tibi negotia, quae sunt in Africa, ita commendo, ut majore studio, magisve ex animo commendare non possim. Pergratum mihi feceris, si dederis operam ut is intelligat meas apud te literas maximum pondus habuisse. Hoc te vehementer, mi Cornifici, rogo. Vale.

Cicero

Cicero Basilio S. P. D. Fam. 6. 15.

**T**ibi gratulor, mihi gaudeo; te amo, tua tueor. A te amari, & quid agas, quidque istic agatur, certior fieri volo.

D. Brutus Imp. M. T. C. S. P. D. Fam. 11. 4.

**S**I de tua in me voluntate dubitarem, multis à te verbis peterem, ut dignitatem tuam tuerè: sed profectò est ità, ut mihi persuasi, me tibi esse curæ. Progressus sum ad Transalpinos cum exercitu, non tam nomen captans imperatorium, quàm cupiens militibus satisfacere, firmosque eos ad tuendas nostras res efficere; quod mihi videor consecutus: nam & liberalitatem nostram, & animum sunt experti. Cum omnium bellicosissimis bellum gessi: multa castella cepi; multa vastavi. Non sine causa ad Senatum literas misi. Adjuva nos tuà sententià: quod cum facies, ex magna parte communi commodo inservieris. Vale.

M. T. C. Servio Sulpitio S. P. D. Fam. 13. 21.

**A**Sciapone Patrensi medico utor valde familiari-ter, ejusque tum consuetudo mihi jucunda fuit, tum etiam ars, quam sum expertus in valetudine meorum: in qua mihi tum ipsa scientià, tum etiam fidelitate, benevolentiaque satisfecit. Hunc igitur tibi commendo: & à te peto, ut des operam, ut intelligat diligenter me scripisse de se, meamque commendationem usui magno sibi fuisse. Erit id mihi vehementer gratum. Vale.

M. T. C.

M. T. C. Appio S. P. D. Fam. 10. 29.

**D**E meo studio erga salutem & incolumitatem tuam, credo te cognoscere ex literis tuorum: quibus me cumulatissime satis fecisse certò scio; nec iis concedo, quanquam sunt singulari in te benevolentia, ut te saluum malint, quam ego. Illi mihi necesse est concedant, ut tibi plas, quam ipsi, hoc tempore prodesse possim: quod quidem nec destiti facere, nec desistam: & jam in maxima re feci, & fundamenta jeci salutis tuae. Tu fac bono animo magnoque sis, meque tibi nullà re defuturum esse confidas. Pr. Nonas Quintiles. Vale.

M. T. C. Mario S. P. D. Fam. 7. 4.

**A**D viii. Calend. Julias in Cumanum veni cum Libone tuo, vel nostro potiùs: In Pompeianum statim cogito; sed faciam te antè certiore. Te cum semper valere cupio, tum certè, dum hic sumus. Vides enim quanto post unà futuri sumus. Quare si quid constitutum cum podagra habes, fac in alium diem differas. Cura igitur ut valeas, & me hoc bi-duo aut triduo expecta. Vale.

Cicero Planc. Imp. Conf. Def. S. P. D. Fam. 10. 14.

**O** Gratam famam biduo ante victoriam de subsidio tuo, de studio, de celeritate, de copiis! atqui etiam hostibus fufis, spes omnis in te est. Fugisse enim ex praelio Mutinensi dicuntur notissimi latronum duces. Est autem non minùs gratum extrema delere, quam prima depellere. Equidem expectabam jam tuas literas, idque cum multis. Sperabamque



que etiam Lepidum temporibus admonitum, tibi & Reipub. satis esse facturum. In illam igitur curam incumbo, mi Plance, ut nequa scintilla teterrimi belli relinquatur. Quod si erit factum, & Rempublicam divino beneficio affeceris, & ipse aternam gloriam consequere. Tertio Idus Maii. Vale.

M. Cic. Papirio Prætori S.P.D. Fam. 9. 23.

**H**Erè veni in Cumannum: cras ad te fortasse. Sed cùm certum sciam, faciam te paulò antè certorem. Et si Marcus Ceparinus, cùm mihi in sylva galinaria obviam venisset, quasissimèque quid ageres, dixit te in lecto esse, quòd ex pedibus laborares; tuli scilicet molestè, ut debui: sed tamen constitui ad te venire, ut & viderem te, & viserem, & cœnarem etiam. Non enim arbitror, coquum etiam te arthriticum habere. Expecta igitur hospitem cùm minimè edacem, tum inimicum cœnis sumptuosus. Vale.

M. Cicero S. D. Cn. Plancio. Fam. 4. 15.

**A**Ccepi per breves tuas literas, quibus id quod scire cupiebam, cognoscere non potui: cognovi autem id, quod mihi dubium non fuit. Nam quàm fortiter ferres communes miserias, non intellexi; quàm me amares, facile perspexi: sed hoc sciebam: illud si scissem, ad id meas literas accommodassẽm. Sed tamen etsi antea scripsi quæ existimavi scribi oportere, tamen hoc tempore breviter te commonendum putavi, nè quo periculo te proprio existimares

*existimares esse in magno omnes, sed tamen in communi sumus. Quare non debes, aut propriam fortissimam, aut precipuam postulare, aut communem recusare. Quapropter eo animo simus inter nos, quo semper fuimus. Quod de te sperare, de me prestare possum. Vale.*

Cicero Dolabellæ S. D. Fam. 9. 12.

**G**ratulor Baiis nostris, si quidem, ut scribis, salubres repente factæ sunt: nisi fortè te amant, & tibi assentantur, & tamdiu dum tu ades, sunt oblita sui. Quod quidem si ita est, minimè miror cælum etiam & terras vim suam, si tibi ita conveniat, dimittere. Oratiunculam pro Deiotaro, quam requirebas, habebam mecum: quod non putàram. Itaque eam tibi misi; quam velim sic legas, ut causam tenuem & inopem, nec scriptione magnopere dignam: sed ego hospiti veteri & amico munusculum mittere volui levidense, crasso filo; cujusmodi ipsius solent esse munera. Tu velim animo sapienti fortisque sis, ut tua moderatio & gravitas aliorum infamet injuriam. Vale.

M. T. C. Imperatori M. Cælio Ædili Curuli

S. P. D. Fam. 2. 14.

**M**arco Fabio, viro optimo & homine doctissimo familiarissimè utor: mirificèque eum diligo, cum propter summum ejus ingenium, summamque doctrinam, tum propter singularem modestiam: ejus negotium sic velim suscipias, ut si esset res mea. Novi ego vos magnos patronos. Hominem occidat oportet,

*oportet, qui vestrâ operâ uti velit: sed in hoc homine nullam accipio excusationem. Omnia relinques, si me amabis, cum tuâ operâ Fabius uti volet. Ego res Romanas vehementer expecto, & desidero: imprimisque quid agas scire cupio. Nam jam diu propter hyemis magnitudinem nihil novi ad nos afferebatur. Vale.*

Cicero Trebatio S. P. D. Fam. 7. 22.

**I**lluferas heri inter scyphos, quod dixeram controversiam esse, possetne haeres, quod furtum antea factum esset, recte furti agere. Itaque etsi domum bene potus, seroque redieram; tamen id caput, ubi hæc controversia est, notavi, & descriptum tibi misi: ut scires id, quod tu neminem sensisse dicebas, Sext. Aliam, M. Manilium, M. Brutum sensisse. Ego tamen Scavola & Testa assentior. Vale.

M. T. C. D. Bruto Imper. S. P. D. Fam. 11. 15.

**E**T si mihi tuæ literæ iucundissimæ sunt; tamen iucundius fuit, quod in summa occupatione tua Planco Collega mandasti, ut te mihi per literas excusaret; quod fecit ille diligenter: mihi autem nihil amabilius officio tuo, & diligentia. Conjunctio tua cum Collega, concordiaque vestra, quæ literis communibus declarata est, S. P. Q. R. gratissima accidit. Quod superest, perge, mi Brute, & jam non cum aliis, sed tecum ipse certa. Plura scribere non debeo, præsertim ad te, quo magistro brevitatis uti cogito. Literas tuas vehementer expecto, & quidem tales, quales maximè opto. Vale.

M. Cicero

M. Cicero T. Furfano Prætori S. D. Fam. 6. 9.

**C**um A. Cacinna tanta mihi familiaritas consuetudineque semper fuit, ut nulla major esse possit. Nam & patre ejus, claro homine, & forti viro, plurimum usi sumus; & hunc à puero, quod & spem mihi magnam afferebat summa probitatis, summaque eloquentia, & vivebat mecum conjunctissimè, non solum officiis amicitia, sed etiam studiis communibus, sic semper dilexi, ut non ullo cum homine conjunctius viverem. Nihil attinet, me plura scribere: quam mihi necesse sit ejus salutem & fortunas, quibuscunque rebus possim, tueri, vides. Reliquum est, ut cum cognovim, pluribus rebus, quid tu & de bonorum fortuna, & de reipublica calamitatibus sentires, nihil à te petam, nisi ut ad eam voluntatem, quam tuâ sponte erga Cacinnam habiturus esses, tantus cumulus accedat commendatione meâ, quanti me à te fieri intelligo. Hoc mihi gratius facere nihil potes. Vale.

M. C. Cornificio Collegæ S. Fam. 12. 20.

**G**rata mihi tua litera, nisi quod Sinuessanum diversoriolum contempsisti: quam quidem contumeliam villa pusilla iniquo animo feret, nisi in Cumano & Pompeiano reddideris, Πάντα περί πάντων. Sic igitur facies, meque amabis, & scripto aliquo laceesses. Ego enim respondere facilius possum, quam provocare. Quod si, ut es, cessabis, lacessam; nè tua inertia etiam ignaviam afferat. Plura otiosus. Hac, cum essem in Senatu, exaravi. Vale.

M. T.

M. T. C. Cornificio S. P. D. Fam. 12. 21.

**C**Aius Anitius, familiaris meus, vir omnibus rebus ornatus, negotiorum suorum causâ legatus est in Africam, legatione liberâ: cum velim rebus omnibus adjuves, operamque des, ut quàm commodissimè sua negotia conficiat. Imprimisque, quod ei charissimum est, dignitatem ejus tibi commendo. Idquæ à te peto, quod ipse in provincia facere sum solitus non rogatus, ut omnibus Senatoribus lictores darem: quod idem acceperam, & cognoveram à summis viris factitatum. Hoc igitur, mi Cornifici, facies, ceterisque rebus omnibus ejus dignitati, reique (si me amas) consulens. Id erit mihi gratissimum. Da operam ut valeas.

M. T. C. C. Cassio S. P. D. Fam. 12. 9.

**B**revitas tuarum literarum me quoque brevior in scribendo facit: & verè ut dicam, non satis occurrit quid scribam. Nostras enim res in actis perferri ad te certò scio, tuas autem ignoramus. Tanquam enim clausa sit Asia, sic nihil perferitur ad nos, præter rumores de oppresso Dola-bella, satis illos quidem constantes, sed adhuc sine autore. Nos, confectum bellum cum putaremus, repente à Lepido tuo in summam sollicitudinem adducti sumus. Itaque persuade tibi, maximam Rei publicæ spem in te & in tuis copiis esse. Firmos omnino exercitus habemus: sed tamen ut omnia (ut spero) prosperè procedant, multum interest te venire. Exigua est enim spes Reipublicæ; nam nullo



*lam non libet dicere: sed quacunque est, ea despondetur anno consulatus tui. Vale.*

M. T. C. Acilio Proc. S. P. D. Fam. 13. 30.

**L**ucius Manlius est Susis: is fuit Catinensis: sed est una cum reliquis Neapolitanis civis Romanus factus, Decurioque Neapoli. Erat enim adscriptus in id municipium, ante civitatem sociis & Latinis datam. Ejus frater Catina nuper mortuus est: nullam omnino arbitramur de ea hereditate controversiam eum habiturum: & est hodie in bonis. Sed quando habet praterea negotia vetera in Sicilia sua, & hanc hereditatem fraternam, & omnia ejus tibi commendo, imprimisque ipsum virum optimum, mihi que familiarissimum, iis studiis literarum doctrinaeque preditum, quibus ego maxime delector. Peto igitur abs te, ut eum, siue aderit, siue non venerit in Siciliam, in meis intimis, maximeque necessariis scias esse: Itaque tractes, ut intelligat meam commendationem sibi magno adjumento fuisse. Vale.

Tul. & Cic. F. & Q. Tyroni humaniss. & opt.  
S. P. D. Fam. 16. 1.

**V**ide quanta in te sit suavitas: duas horas Thyrei fuimus: Xenomanes hospes tam te diligit, quam si vixerit tecum. Is omnia pollicitus est, quae tibi essent opus: facturum puto. Mihi placebat, si firmior esses, ut te Leucadem deportares, ut ibi te plane confirmares. Videbis, quid Curio, quid Lysoni, quid medico placeat. Volebam ad te  
Marionem

Marionem remittere; quem, cùm meliusculè tibi esset, ad me mitteres: sed cogitavi, unas literas Marionem asferre posse, me autem crebras expectare. Poteris igitur, & facies, si me diligis, ut quotidie sit Acastus in portu. Multi erunt quibus rectè literas dare possis, qui ad me libenter perferant. Equidem Patras euntem neminem pratermittam. Ego omnem spem tui diligenter curandi in Curio habeo: nihil potest illo fieri humanius, nihil nostrì amanti: & te totum trade: malo te paulò post valentem, quàm statim imbecillum videre. Cura igitur nihil aliud, nisi ut tu valeas: cetera ego curabo. Etiam atq; etiam vale. Leucade proficiscens, septimo Idus Novemb.

M.C. Pater & Fil. Q. Pat. & Fil. Tyroni S.F. 16. Epist. 7.

**T** Etiam ad te hanc epistolam scripsi eàdem die, magis instituti mei tenendi causà, quia natus eram cui darem, quàm quòd haberem quid scriberem. Igitur illa: quantum me diligis, tantum adhibe in te diligentia. Ad tua innumerabilia in me officia adde hoc, quod mihi erit gratissimum omnium; cùm valetudinis rationem, ut spero, habueris, habeto etiam navigationis. In Italiam euntibus omnibus ad me literas dabis, ut ego euntem Patras neminem pratermitto. Cura, cura te, mi Tyro: quando non contigit ut simul navigares, nihil est quòd festines: nec quicquam cures nisi ut valeas. Etiam atque etiam vale. Septimo Idus Novemb. Actio, vesperi.

M. T. C. Tyroni S. P. D. Fam. 16. 12.

**E**Go verò capio te ad me venire; sed viam timeo: gravissimè egrotasti; inediâ, & purgationibus, & vi ipsius morbi consumptus es. Graves solent offensiones esse ex gravibus morbis, si qua culpa commissa est. Jam ad id biduum, quod fueris in via, dum in Cumanum venis, accedent continuò ad reditum dies quinque. Ego in Formiano ad tertium Calend. esse volo. Ibi te ut firmum offendam, mi Tyro, effice. Literula mea, sive nostra, tui desiderio oblanguerunt: hâc tamen Epistolâ, quam Acastus attulit, oculos paulum sustulerunt. Pompeius erat apud me, cùm hac scribebam: hilarè & libenter ei cupienti audire nostra, dixi sine te omnia mea muta esse. Tu musis nostris para ut operas reddas; nostra ad diem dictum fient: docui enim te, fides ἐτομον quod haberet. Fac planè ut valeas: nos adsumus. Vale. xiiii Calend. Januarii.

Proprietatem  
gem.

M. T. C. Curioni S. P. D. Fam. 2. 4.

**E**piſtolarum genera multa esse non ignoras: sed unum illud certissimum, cujus causâ inventares ipsa est, ut certiores faceremus absentes, si quid esset, quod eos scire, aut nostrâ, aut ipsorum interesset. Hujus generis literas à me profectò non expectas: domesticarum enim rerum tuarum habes & scriptores, & nuncios: in meis autem rebus nihil est sanè novi. Reliqua sunt epistolarum genera duo, quæ me magnopere delectant: unum, familiare & jocosum; alterum, severum

& grave. Utro me minùs deceat uti, non intelligo. Jocerne tecum per literas? Civem mehercule non puto esse, qui temporibus his ridere possit. An gravius aliquid scribam? quid est, quod possit graviter à Cicerone scribi ad Curionem, nisi de Republica? Atque in hoc genere hac mea causa est, ut neq; ea quæ nunc sentio, velim scribere. Quamobrem, quoniam mihi nullum scribendi argumentum relictum est, utar eâ clausulâ, quâ soleo, tæque ad studium summæ laudis cohortabor. Est enim tibi gravis adversaria constituta & parata, incredibilis quædam expectatio: quam tu unâ re facillimè vinces, si hoc statueris, quarum laudum gloriam admiraris, quibus artibus eæ laudes comparantur, in iis esse laborandum. In hanc sententiam scriberem plura, nisi te tuâ sponte satis incitatum esse confiderem: & hoc, quicquid attigi, non feci inflammandi tui causâ, sed testificandi amoris mei. Vale.

M. T. C. Bruto S. P. D. Fam. 13. 14.

**L**ucio Titio Strabone, equite Romano impri-  
mis honesto & ornato, familiarissimè utor: omnia mihi cum eo intercedunt jura summa necessitudinis. Huic in tua provincia pecuniam debet P. Cornelius. Ea res à Volcatio, qui Romæ jus dicit, rejecta in Galliam est. Peto à te hoc diligentius quàm si mea res esset (quò est honestius, de amicorum pecunia laborare, quàm de sua) ut negotium conficiendum cures, ipse suscipias, transigas: operamque des, quod tibi æquum & rectum videbitur,

ut quàm commodissimâ conditione libertus Strabonis, qui ejus rei causâ missus est, negotium conficiat, ad nummósque perveniat. Id & mihi gratissimum erit, & tu ipse L. Titium cognoscas amicitia tuâ dignissimum. Quod ut tibi cura sit, ut omnia solent esse quæ me velle scis, te vehementer etiam atque etiam rogo. Vale.

M. T. C. S. D. T. Fabio. Fam. 5. 18.

**E**T si egomet, qui te consolari cupio, consolandus ipse sum, propterea quòd nullam rem gravius jamdiu tuli, quàm incommodum tuum: tamen te magnopere non hortor solùm, sed etiam pro amore nostro rogo atque oro, te colligas, virúmque praebeas; & quâ conditione omnes homines, & quibus temporibus nati sumus, cogites. Plus tibi virtus tua dedit, quàm fortuna abstulit: propterea quòd adeptus es, quod non multi homines novi; amisisti, quod plurimi homines nobilissimi. Ea denique videtur conditio impendere legum, judiciorum, temporum, ut optimè actum cum eo videatur esse, qui quàm levissimâ pœnâ ab hac republica discesserit. Tu verò, qui & fortunas & liberos habeas, & nos ceterósque necessitudine & benevolentia tecum conjunctissimos; quique magnam facultatem sis habiturus, nobiscum, & cum omnibus tuis vivendi; & cùm unum sit judicium ex tam multis, quod reprehendatur, ut quod unâ sententiâ, eâque dubiâ potentia alicujus condonatum existimetur: omnibus his de causis debes istam molestiam quàm levissimè



abominabilissimè ferre. *Meus animus erit in te, liberòsque  
fieri tuos semper, quem esse vis, & qui esse debet. Vale.*

M. T. C. Trebatio S. D. Fam. lib. 6. Epist. 11.

**D**olabellam antea tantummodo diligebam: ob-  
ligatus ei nihil eram, nec enim acciderat mihi  
opus esse: & ille mihi debebat, quòd non defueram  
ejus periculis. Nunc tanto sum devinctus ejus be-  
neficio, quòd & antea in re, & hoc tempore in sa-  
lute tua cumulatissimè mihi satisfecit, ut nemini  
plus debeam. Qua in re tibi gratulor ità vehemen-  
ter, ut te quoque mihi gratulari, quàm gratias age-  
re malim. Alterum non omnino desidero, alterum  
verè facere poteris. Quod reliquum est, quando  
tibi virtus, & dignitas tua redditum ad tuos aperu-  
it; est tuae sapientiae, magnitudinisque animi, quid  
amiseris, oblivisci; quid recuperaveris, cogitare. Vi-  
ves cum tuis, vives nobiscum: plus acquisivisti di-  
gnitatis, quàm amisisti rei familiaris, quae ipsa tum  
esset jucundior, si ullares esset publica. Vestorius no-  
ster familiaris ad me scripsit, te mihi maximas gra-  
tias agere. Haec predicatio tua mihi valde grata  
est: eaque te uti faciliè patior, cum apud alios, tum  
mehercule apud Syronem nostrum amicum. Qua  
enim facimus, ea prudentissimo cuique maximè pro-  
bata esse volumus. Te cupio videre quamprimum.  
Vale.

Cicero Trebatio S. Fam. lib. 7. Epist. 14.

**C**hrysippus Vectius, Cyri architecti libertus,  
fecit, ut te non immemorem putarem mei:

*salutem enim mihi tuis verbis nuntiavit. Valde jam lautus es, qui gravêre literas ad me dare, homini præsertim propè domestico. Quod si scribere oblitus es, minùs multi jam, te advocato, causâ cadent. Sin nostrî oblitus es, dabo operam, ut istuc veniam, antequam planè ex animo tuo effluam. Sin astivorum timor te debilitat, aliquid excogita ut fecisti de Britannia. Illud quidem perlibenter audiavi ex eodem Chrysippo, te esse Cæsari familiarem: sed mehercle mallem, id quod erat agnius, de tuis rebus ex tuis literis quàm sapissime cognoscere: quod certè ità fieret, si tu maluisses benevolentia quàm litium jura perdiscere. Sed hæc joci sumus, & tuo more, & nonnihil etiam nostro. Te valde amamus, nòsque à te amari tum volumus, tum etiam confidimus. Vale.*

M. T. C. C. Cassio S. P. D. Fam. lib. 12. Epist. 8.

**S***celus affinis tui Lepidi, summamque levitatem, & inconstantiam, ex actis, quæ ad te mitti certò scio, cognoscere te arbitror. Itaque nos, confecto bello, ut arbitrabamur, renovatum bellum gerimus: spemque omnem in D. Bruto & Planco habemus; si verum quæris, in te, & in meo Bruto, non solùm ad præsens perfugium, si (quod nolim) adverſi quid acciderit, sed etiam ad confirmationem perpetuæ libertatis. Nos hîc de Dolabella audiebamus quæ vellemus: sed certos autores non habebamus. Te quidem magnum hominem, & præſenti judicio, & reliqui temporis expectatione scito esse.*

*Hoc*

*Hoc tibi proposito, fac, ut ad summa contendas. Nihil est tantum, quod non populus Romanus à te perfici atque obtineri posse judicet. Vale.*

M. T. C. M. Lepido S. P. D. Fam. 10. 27.

**Q**uod mihi, pro mea summa erga te benevolentia, magna curæ est, ut quàm amplissimâ dignitate sis, molestè tui te Senatui gratias non egisse, cum esses ab eo ordine ornatus summis honoribus. Pacis inter cives concilianda te cupidum esse lator. Pacem eam si à servitute sejungis, consules & Reipub. & dignitati tue: si ista pax perditum hominem in possessionem impotentissimi dominatûs restitutura est, hoc animo scito esse omnes sanos, ut mortem servituti anteponant: Itaque sapientiùs, meo quidem iudicio, facies, si te in istam pacificationem non interpones, quæ neque Senatui, neque populo, neq; cuiquam bene probatur. Sed hæc audies ex aliis, aut certior fies literis. Tu, pro tua prudentia, quid optimum factu sit, videbis. Vale.

M. Cicero Cn. Planc. Imp. Conf. Def. S. D. Fam. 10. 2.

**M**eum studium honori tuo pro necessitudine nostra non defuisset, si aut tutò in Senatum, aut honestè venire potuissem. Sed nec sine periculo quisquam liberè de Republica sentiens, versari potest in summa impunitate gladiatorum; nec nostra dignitatis videtur esse, ibi sententiam de Republica dicere, ubi me & meliùs & propiùs audiant armati, quàm Senatores. Quapropter in privatis rebus nullum neque officium, neque studium meum  
desidera-

*desiderabis; nec in publicis quidem, si quid erit in quo interesse necesse sit, unquam deero, nè cum periculo quidem meo, dignitati tue. In his autem rebus, quæ nihilominus, ut ego absim, confici possunt, peto à te, ut me rationem habere velis & salutis & dignitatis meæ. Vale.*

M. T. C. Papirio Pæto S. D. Fam. 9. 17.

**T***Amen à malitia non discedis: tenuiculo apparatu significas Balbum fuisse contentum. Hoc videris dicere, cum reges tam sint continentes, multò magis consulares esse oportere. Nescis me ab illo omnia expiscatum: rectà enim à porta domum meam venisse: neque hoc admiror quod non ad tuam potiùs; sed illud, quòd nec ad suam. Ego autem tribus primis verbis, Quid noster Pætus? At ille adjurans, nusquam se unquam libentiùs. Hoc si verbis affectus es, aures ad te asseram non minùs elegantes: sin autem obsonio, peto à te, nè pluris esse Balbos, quàm disertos putes. Me quotidie aliud ex alio impedit. Sed, si me expediero ut in ista loca venire possim, non committam ut te serò à me certiorum factum putes. Vale.*

C. Tribonius M T. C. S. P. D. Fam. 12. Epist. 16.

**S***iluales, bene est. Athenas veni ad 11. Calend. Junii; atque ibi, quod maximè optabam, vidi filium tuum deditum optimis studiis, summæque modestiæ famà. Qua ex re quantam voluptatem ceperim, scire potes, etiam me tacente. Non enim nescis, quanti te faciam, & quàm, pro nostro*  
peter-

*veterrimo verissimoque amore, omnibus tuis etiam minimis commodis, non modo tanto bono, gaudeam. Noli putare, mi Cicero, me hoc auribus tuis dare. Nihil adolescente tuo, atque adè nostro (nihil enim mihi à te potest esse se junctum) aut amabilius omnibus iis, qui Athenis sunt, est; aut studiosius earum artium, quas tu maxime amas, hoc est, optimarum. Itaque tibi, quod verè facere possum, libenter quoque gratulor, nec minus etiam nobis, quod cum, quem necesse erat diligere, qualiscunque esset, talem habemus, ut libenter quoque diligamus. Qui cum mihi in sermone iniecisset, se vellem Asiæ visere; non modo invitatus, sed etiam rogatus est à me, ut id potissimum nobis obtinentibus provinciam faceret. Cui nos & charitate & amore tuum officium præstituros non debes dubitare. Illud quoque erit nobis cura, ut Cratippus unà cum eo sit, nè putes in Asia feriaturum illum ab iis studiis, in quæ tuâ cohortatione incitatur, futurum. Nam illum paratum, ut video, & ingressam pleno gradu, cohortari non intermittemus, quò indices longius discendo, exercendoque se, procedat. Vos quid ageretis in Republica, cum has literas dabam, non sciebam. Audiebam quadam turbulenta, quæ scilicet cupio esse falsa, ut aliquando otiosa libertate fruamur: quod vel minimè mihi adhuc contigit. Ego tamen nactus in navigatione nostra pusillum laxamenti, concinnavi tibi munusculum ex instituto meo: & dictum, cum magno nostro honore à*  
te



Id est,  
loquen-  
liberior

te dictum conclusi, & tibi infra subscripsi. In quibus versiculis, si tibi quibusdam verbis <sup>ἐν ὑποπνεύματι</sup> videbor; turpitudine personæ ejus, in quam liberius invehimur, nos vindicabit. Ignoscas etiam iracundia nostra, quæ justa est in ejusmodi & homines, & cives. Deinde, quæ magis hoc Lucilio licuerit assumere libertatis, quàm nobis? cùm, etiam si odio pari fuerit in eos, quos læsit; tamen certè non magis dignos habuerit, in quos tantà libertate verborum incurreret. Tu, sicut mihi pollicitus es, adjunges me quamprimum ad tuos sermones. Namque illud non dubito, quin, si quid de interitu Caesaris scribas, non patiaris me minimam partem & rei & amoris tui ferre. Vale, & matrem meosque tibi commendatos habe. vii. Calend. Jun. Athenis.

Cicero Curio S. P. D. Fam. lib. 7. Epist. 41.

**F**acile perspexi ex tuis literis (quod semper studi) & me à te plurimi fieri, & te intelligere, quàm mihi charus esses. Quod quando uterque nostrum consecutus est, reliquum est, ut officiis certemus inter nos, quibus æquo animo vel vincam te, vel vincar abs te. Acilio non fuisse necesse meas dari literas, facile patior. Sulpitii tibi operam intelligo ex tuis literis, non multum opus fuisse, propter res tuas ità contractas, ut, quemadmodum scribis, nec caput nec pedes; equidem vellem uti pedes haberent, ut aliquando redires. Vides enim exaruisse jam veterem urbanitatem, ut Pomponius  
noster

*noſter ſuo jure poſſit dicere, niſi nos pauci retineamus gloriam antiquam Atticam; ergò is tibi, nos ei ſuccedimus. Veni igitur, quaſo, nè tantum ſemen urbanitatis unà cum Republica intereat. Vale.*

M. T. C. Acilio Proc. S. P. D. Fam. lib. 13. Epift. 32.

**I**N Aleſina civitate tam lautà quàm nobili, conjunctiſſimos habeo & hoſpitio & familiaritate M. & C. Clodios, Archagathum, & Philonem: ſed vereor, nè, quia complures tibi præcipuè commendando, exæquare videar ambitione quadam commendationes meas: quanquam à te quidem cumulatè ſatiſfit & mihi, & meis omnibus. Sed velim ſic exiſtumes, hanc familiam, & hos mihi maximè eſſe conjunctos vetuſtate, officiis, benevolentia. Quamobrem peto à te majorem in modum, ut his omnibus in rebus, quantum tua dignitas fideſque patietur, commodos. Id ſi feceris, erit mihi vehementiſſimè gratum. Vale.

M. T. C. Acilio Proc. S. P. D. Fam. lib. 13. Epift. 33.

**C**N. Otacilio Naſone utor familiariſſimè; ità prorsus, ut illius ordinis nullo familiariùs: nam & humanitate ejus, & probitate, in conſuetudine quotidiana magnopere delector. Nihil jam opus eſt expectare te, quibus enim verbis tibi commendem, quo ſic utor, ut ſcripſi. Habet is in provincia tua negotia, que procurant liberti, Hilarius, Antigonus, Demoſtratus; quos tibi, negotiàque omnia Naſonis non ſecùs commendo, ac ſi mea eſſent. Gratiſſimum mihi feceris, ſi intellexero

lexero, hanc commendationem magnum apud te pondus habuisse. Vale.

M. T. C. Acilio Proc. S. P. D. Fam. lib. 13. Epist. 34.

**A**vitum mihi hospitium est cum Lysons Lysonis filio Lilybatano, valdeque ab eo observor, cognovique dignum & patre & avo: est enim nobilissima familia. Quapropter commendo tibi majorem in modum rem domumque ejus; magnoque opere abs te peto, cures ut intelligat meam commendationem maximo sibi apud te & adjumento & ornamento fuisse. Vale.

M. T. C. Acilio Proc. S. P. D. Fam. lib. 13. Epist. 35.

**C**aius Avianus Philoxenus, antiquus est hospes meus, & prater hospitium, valde etiam familiaris: quem Caesar meo beneficio in Novocomenses retulit. Nomen autem Aviani consecutus est, quod homine nullo plus est usus, quam Flacco Aviano, meo (quemadmodum te scire arbitror) familiarissimo. Quae ego omnia collegi, ut intelligeres non vulgarem esse commendationem hanc meam. Peto igitur abs te, ut omnibus rebus, quod sine molestia tua facere possis, ei commodes, habeasque in numero tuorum; perficiasque ut intelligat has literas meas magno sibi usui fuisse. Erit id mihi majorem in modum gratum. Vale.

Cicero Planco Imp. Conf. Def. S. P. D.

Fam. lib. 10. Epist. 13.

**U**T primum potestas data est augenda dignitatis tuae, nihil pratermisi in te ornando, quod

quod positum esset aut in premio virtutis, aut in honore verborum. Id ex ipso senatusconsulto poteris cognoscere: ita enim est perscriptum, ut à me de scripto dicta sententia est: quam senatus frequens sequutus est summo studio, magnoque consensu. Ego, quanquam ex tuis literis quas mihi misisti, perspexeram te magis iudicio bonorum, quam insignibus glorie delectari; tamen considerandum nobis existimaui, etiamsi tu nihil postulares, quantum tibi à Repub. deberetur. Tu contexes extrema cum primis. Qui enim M. Antonium oppresserit, is bellum confecerit. Itaque Homerus non Ajacem nec Achillem, sed Ulysssem appellavit Ὀδυσσεύς.

M. T. C. C. Cassio S. P. D. Fam. lib. 12. Epist. 6.

Id est,  
urbium ex-  
pugnato-  
rem,

**Q**ui status rerum fuerit tum cum has literas dedi, scire poteris ex C. Tidio Strabone, viro bono, & optime de Republica sentiente: nam quid dicam cupidissimo tui, qui, domo & fortunis relictis, ad te potissimum profectus sit? Itaque eum tibi ne commendo quidem; adventus ipsius ad te satis eum commendabit. Tu velim sic existimes, tibi que persuadeas, omne perfugium bonorum in te & Bruto esse positum, si, quod nolim, adversi quidevenierit. Res, cum hac scribebam, erat in extremum deducta discrimen: Brutus enim Mutina vix jam sustinebat: Qui si conservatus erit, vicinus; sin oppressus ibi erit (quod dii omen advertant) omnis omnium cursus est ad vos. Proinde fac tantum animum habeas, tantumque apparatum,

*ratum, quanto opus est ad universam Rempub. recuperandam. Vale.*

M. T. C. Cornificio Collegæ S. Fam. lib. 12. Epist. 17.

**G**Rata mihi vehementer est memoria nostrî tua, quam significasti literis : quam ut conserves (non quòd de tua constantia dubitem, sed quia mos est ità rogandi) rogo. Ex Syria nobis tumultuosiora quedam nunciata sunt: quæ, quia tibi sunt propiora quàm nobis; tuâ me causâ magis movent, quàm meâ. Romæ summum otium est, sed ità, ut malis salubre aliquod & honestum negotium: quod spero fore, quia video id curâ esse Cæsari. Me scito, dum tu absis, quasi occasionem quandam & licentiam nactum, scribere audaciùs, & cetera quidem fortasse, quæ etiam tu concederes: Sed proximè scripsi de optimo genere dicendi; in quo sæpe suspicatus sum te à iudicio nostro, sic scilicet ut doctum hominem à non indocto, paululùm dissidere. Huic tu libro, maximè velim ex animo, si minùs gratia causâ suffragere. Dicam tuis, ut eum, si velint, describant, ad tèque mittant. Puto enim, etiamsi rem minùs probabis, tamen in ista solitudine, quicquid à me profectum sit, iucundum tibi fore. Quòd mihi existimationem tuam, dignitatẽq; commendas, facis tu quidem omnium more: sed velim sic existimes, me, cùm amori, quem inter nos mutuum esse intelligam, plurimum tribuere; tum de summo ingenio, & de optimis tuis studiis, & de spe amplissima dignitatis tuæ ità iudicare;



*care, ut neminem tibi antepouam, comparem paucos.  
Vale.*

M. T. C. Q. Thermo S. P. D. Fam. 13. 54.

**C**um mihi multa grata sunt, quæ tu adductus me à commendatione fecisti; tum imprimis, quod M. Marcilium, amici, atque interpretis mei filium, liberalissime tractavisti. Venit enim Laodiceam, & tibi apud me, mihi que propter te gratias maximas egit. Quare, quod reliquum est, à te peto, quando apud gratos homines beneficium ponis, ut eò libentiùs his commodes; operamque des, quoad fides tua patietur, ut socrus adolescentis rea nò fiat. Ego cum antea studiose commendabam Marcilium, tum multò nunc studiosius, quod in longa apparitione singularem & propè incredibilem patris Marcilii fidem, abstinentiam, modestiamque cognovi. Vale.

Libri primi finis.

## LIBER SECUNDUS.

M. T. C. P. Attico S. ad Attic. lib. 3. Ep. 27.

**E**x tuis literis, & ex re ipsa nos funditus perisse video. Te oro ut, quibus in rebus mei tua indigebunt, nostris miseriis nò desis. Ego te, ut scribis, citò videbo. Plura non scribo. Cura ut valeas.

C

M. T. C.

M. T. C. T. P. Attico S. ad Attic. lib. 3. Epist. 21.

**T**riginta dies erant ipsi, cum has dabam literas, per quos nullas à vobis acceperam. Mihi autem erat in animo, jam, ut antea ad te scripsi, ire in Epeirum, & ibi omnem casum potissimum expectare. Te oro, ut, si quid erit quod perspicias quamcumque in partem, quam planissime ad me scribas, & meo nomine (ut scribis) literas, quibus putabis opus esse, ut des. Vale. v. Cal. Novemb.

M. T. C. T. P. Attico S. ad Attic. lib. 3.  
ex Epist. 22.

**E**go, quod per Thessaliam si irem in Epeirum, per diu nihil eram auditurus, & quod mei studiosos habeo Dyrrhachinos, ad eos perrexi, cum illa superiora Thessalonice scripisssem: inde cum ad te me convertam, faciam ut scias; tuque ad me velim omnia, quam diligentissime, cujusmodi sunt, scribas. Ego jam aut rem, aut nē spem quidem expecto. Vale. vi. Cal. Decemb. Dyrrhachii.

M. T. C. T. P. Attico S. ad Attic. 3. 1.

**C**um antea maxime nostrā interesse arbitrabar, te esse nobiscum: tum verò, ut legi rogationem, intellexi ad iter quod constitui, nihil mihi optatius cadere posse, quam ut tu me quamprimum consequare: ut cum ex Italia profecti essemus, sive per Epeirum iter esset faciendum, tuo, tuorumque praesidio uteremur; sive aliud quid agendum esset, certum consilium de tua sententia capere possemus. Quamobrem te oro, des operam ut

me statim consequare: facilius potes, quoniam de provincia Macedonia perlata lex est. Pluribus verbis tecum agerem, nisi pro me apud te res ipsa loqueretur. Vale.

M. T. C. T. P. Attico S. ad Attic. lib. 3. Epist. 2.

**I**tinis nostri causa fuit, quod non habebam locum, ubi pro meo jure diutius esse possem, quam in fundo Sicca, praesertim nondum rogatione correctâ; & simul intelligebam, ex eo loco (si te haberem) posse me Brundisium referre: sine te autem non esse nobis illas partes tenendas propter Antonium. Nunc, ut ad te antea scripsi, si ad nos veneris, consilium totius rei capiemus. Iter esse molestum scio: sed tota calamitas omnes molestias habet. Plura scribere non possum, ita sum animo perculso, & abjecto. Cura ut valeas. Dat. 6. Idus April. Narycii Locridis.

M. T. C. T. P. Attico S. ad Attic. 3. 3.

**U**tinam illum diem videam, cum tibi agam gratias quod me vivere coegisti: adhuc quidem valde me poenitet. Sed te oro ut ad me Vibonem statim venias, quod ego multis de causis converti iter meum: sed eò si veneris, de toto itinere ac fuga mea consilium capere potero. Si id non feceris, mirabor. Sed confido te esse omnino facturum.

M. T. C. T. P. Attico S. ad Attic. 3. 5.

**T**erentia tibi & saepe, & maximas agit gratias. Id est mihi gratissimum. Ego vivo miserrimus, & maximo dolore conficior. Ad te

quid scribam, nescio. Si enim es Roma, jam me assequi non potes: sin es in via, cum eris me assecutus, coram agemus quae erunt agenda: tantum te oro, ut, quoniam meipsum semper amasti, eodem amore sis. Ego enim idem sum. Inimici mei mea mihi, non meipsum ademerunt. Cura ut valeas. viii Idus Aprilis. Thurii.

M. T. C. T. P. Attico. ad A. 3. 6.

**N**on fuerat mihi dubium, quin te Tarenti aut Brundusii visurus essem, idque ad multa pertinuit; in eis, ut & in Epeiro consisteremus, & de reliquis rebus tuo consilio uteremur: quoniam id non contigit, erit hoc quoque in magno numero nostrorum malorum. Nobis iter est in Asiam, maxime Cyzicum: tibi meos commendo; me vix, miseréque sustento. Vale. Dat. 14. Cal. Maii. Tarenti.

M. T. C. P. Attico S. ad Atticum, lib. 3. Epist. 25.

**P**ost tuum à me discessum litera mihi Romam alata sunt, ex quibus perspicio, nobis in hac calamitate tabescendum esse: neque enim (sed bonam in partem accipies) si nulla spes salutis nostra subesset, tu pro tuo amore in me hoc tempore discessisses. Sed ne ingrati, aut ne omnia velle nobiscum non interire videamur, hoc omitto. Illud abs te peto, des operam, id quod mihi affirmasti, ut te ante Cal. Jan. ubicunque erimus, sistas. Vale.

M. T. C. Attico S. D. ad Atticum, 3. 6.

**T**otum iter mihi incertum facit expectatio literarum tuarum Calend. Sex. datarum, non aliud

*aliud aliquid. Si spes erit, Epeirum; sin minùs, Cyzicum, aut aliud quid sequemur. Tua quidem literæ, quò sapius à me leguntur, hòc spem mihi faciunt minorem, quàm cùm lectæ sunt. Tum id, quod attulerunt ad spem, infirmant; ut facile appareat, te & consolationi servire, & veritati: idque te rogo planè, ut ad me, qua scis, ut erunt; qua putabis, ità scribas. Vale. Dat. 12. Cal. Septemb.*

M. T. C. T. P. Attico S. ad Attic. lib. 3. Epist. 18.

**E**xpectationem nobis non parvam attuleras, cùm scripseras Varronem tibi pro amicitia confirmasse, causam nostram Pompeium certè suscepturum; & simulac à Cesare ei literæ, quas expectaret, remisse essent, autorem etiam daturum. Utrùm id nihil fuit; an adversatae sunt Caesaris literæ? An est aliquid in spe? Etiam illud scripseras, eundem secundum comitia dixisse. Fac (si vides quantis in malis jaceam, & si putas esse humanitatis tuæ) me, fac de tota causa nostra certiozem. Nam Quintus frater homo mirus, qui me tam valde amat, omnia mittit spei plena, metuens (credo) defectionem animi mei. Tuæ autem literæ sunt varia, neque enim me desperare vis, nec temere sperare. Fac, obsecro te, ut omnia, qua à te prospici possunt, sciamus. Vale.

M. T. C. T. P. Attico S. ad Attic. 3. 11.

**M**E & tuæ literæ, & quidem boni nuntii, non optimis tamen autoribus, & expectatio vestrarum literarum, & quòd tibi ità placuerat,



adhuc Thessalonica tenebant. Si accepero literas, quas expecto; si spes erit ea, quæ rumoribus afferebatur, ad te me conferam: si non erit, faciam te certiore quid egerim. Tu me, ut facis, operâ, consilio, gratiâ iuva. Consolari jam desine; objur-gare verò noli. Quod cùm facis, ut ego tuum amo-rem & dolorem desidero! quem ità affectum meâ æ-rumnâ esse arbitror, ut te ipsum consolari nemo pos-sit. Quintum fratrem optimum humanissimûmque sustenta. Ad me, obsecro te, ut omnia certa perscri-bas. Vale. Dat. 4. Calend. Quint.

M. T. C. Attico S. ad Attic. lib. 3. Epist. 4.

**M**iserie nostra potius velim, quàm inconstan-tie tribuas, quòd à Vibone, quò te arcesseba-mus, subito discessimus. Allata est enim nobis ro-gatio de pernicie mea, in qua, quod confectum esse audiveramus, erat huiusmodi, ut mihi ultra qua-dringenta millia liceret esse. Illò cùm pervenire non liceret, statim iter Brundisium versus contuli ante diem rogationis, nè & Sicca, apud quem eram, periret; & quòd Melite esse non licebat. Nunc tu propera, ut nos consequare, si modò recipiemur. Adhuc invitamur benignè: sed, quod superest time-mus. Me, mi Pomponi, valde pœnitet vivere: qua in re apud me tu plurimûm valuisti; sed hac corâm: fac modò ut venias. Vale.

M. T. C. Attico S. ad Attic. lib. 1. Epist. 12.

**A**Siam Quinto suavissimo fratri obtigisse au-distis: non enim dubito, quin celerius tibi hoc rumor,

rumor, quàm ullius nostrum litera nuntiarent.  
 Nunc, quoniam & laudis avidissimi semper fuimus,  
 & præter ceteros celeriores & sumus & habemur, Id est, Græcorum studio.  
 & multorum odia atque inimicitias Reipub. causâ Id est, omnino de victoriam  
 suscepimus, ἡ δὲ τοῦ ἀγῶντος ἐπιμέλεια curâque & effi-  
 ce, ut ab omnibus & laudemur, & amemur. His de  
 rebus plura ad te in ea epistola scribam, quam ipsi  
 Quinto dabo. Tu velim me certiorcm facias quid  
 de meis mandatis egeris, atque etiam quid de tuo  
 negotio. Nam, ut Brundisio profectus es, nulla mi-  
 hi abs te sunt redditæ literæ. Valde aveo scire quid  
 agas. Idibus Mart. Vale.

M. T. C. T. P. Attico S. ad Attic. 2. 10.

**V**olo ames constantiam meam. Ludos Antii  
 spectare non placet: Est enim ὑποπόλαιον, cùm Id est, substatum.  
 velim vitare omnium deliciarum suspensionem, re-  
 pente ἀναστρέφω non solum delicatè, sed etiam in- Id est, apparere.  
 epetè peregrinantem. Quare usque ad Nonas Mai-  
 as te in Formiano expectabo. Nunc fac ut sciam  
 quo die te visuri simus. Ab Appii foro, horâ quar-  
 tâ dederam aliam paulò antè à tribus Tabernis.  
 Vale.

M. T. C. T. P. Attico S. ad Attic. 2. 12.

**N**arro tibi; planè relegatus mihi videor, po-  
 steaquam in Formiano sum. Dies enim nul-  
 lus erat, Antii cùm essem, quo die non melius sci-  
 rem Romæ quid ageretur, quàm ii qui erant Ro-  
 mæ. Etenim literæ tuæ non solum quid Romæ, sed  
 etiam quid in Republica; neque solum quid fieret,

verum etiam quid futurum esset, indicabant. Nunc, nisi si quid ex praterente viatore exceptum est, scire nihil possumus. Quare quanquam jam te ipsum expecto, tamen isti puero, quem ad me statim jussi recurrere, da ponderosam aliquam epistolam, plenam omnium non modo actorum, sed etiam opinionum tuarum; ac diem quo Romam sis exiturus, cura ut sciam. Nos in Formiano esse volumus usque ad pridie Nonas Maias: eò si ante eam diem non veneris, Romam te fortasse videbo: nam Arpinum quid ego te invitem? Hæc igitur. Cura ut valeas.

M. T. C. T. P. Attico S. ad At. lib. 3. Epist. 13.

**Q**uod ad te scripseram me in Epeiro futurum, posteaquam extenuari spem nostram & evanescere vidi, mutavi consilium; nec me Thessalonica commovi, ubi esse constitueram, quoad aliquid ad me de eo scriberes, quod proximis literis scripseras, fore, uti secundum comitia aliquid de nobis in senatu ageretur: id tibi Pompeium dixisse. Qua de re quoniam comitia habita sunt, tuque nil ad me scribis; perinde habeo, ac si scripsisses nihil esse; meque temporis non longinqui spe ductum esse, molestè feram. Quem autem motum te videre scripseras, qui nobis utilis fore videretur, eum nunciant, qui veniunt, nullum fore. In Tribunis Pl. designatis reliqua spes est: quam si expecta-ro, non erit, quod putes me causa mea ac voluntati meorum defuisse. Quod me sæpe accusas, cur hunc  
meum

*meum casum tam graviter feram, debes ignoscere, cum ita me afflictum videas, ut neminem unquam nec videris, nec audieris. Nam quod scribis te audire, me etiam mentis errore ex dolore affici: mihi verò mens integra est; atque utinam tam in periculo fuisset, cum ego iis, quibus salutem meam charissimam esse arbitrabar, inimicissimis crudelissimisque usus sum: qui ut me paulum inclinare timore viderunt, sic impulerunt, ut omni suo scelere & perfidiâ abuterentur ad exitium meum. Nunc, quoniam est Cyzicum nobis eundum, quò rariùs ad me literæ perferentur, hoc velim diligentius omnia, quæ putâris me scire opus esse, perscribas. Quintum fratrem meum fac diligas, quem ego miser, si incolumem relinquo, non me totum periiße arbitror. Vale. Non. Sextil.*

M. T. C. T. P. Attic. S. ad A. 3. 14.

**E**X tuis literis plenus sum expectatione de Pompeio, quidnam de nobis velit, aut ostendat. Comitia enim credo esse habita: quibus absolutis scribis illi placuisse agi de nobis. Si tibi stultus esse videor qui sperem, facio tuo jussu; & scio te me iis epistolis potiùs, & meas spes solitum esse remorari. Nunc velim mihi planè perscribas, quid videas. Scio nos nostris multis peccatis in hanc ærurnam incidisse; ea siqui casus ex parte correxerint, minùs molestè feremus nos vixisse & adhuc vivere. Ego propter via celebritatem, & quoti-

quotidianam expectationem rerum novarum, non commovi me adhuc Thessalonica: sed jam extrudimur, non à Plancio (nam is quidem retinet) verum ab ipso loco minimè apposito ad tolerandam in tanto luctu calamitatem. In Epeirum ideo, ut scripseram, non ivi, quòd subiti mihi adversi nuncii venerant, & literæ, quare nihil esset necesse quàm proximè Italiam esse: hinc si quid à comitiis audierimus, nos in Asiam convertemus: neque adhuc stabat, quò potissimum: sed scies. Vale. 12. Cal. Sext. Thessalonica.

M. T. C. T. P. Attico S. ad Attic. 4. 12.

**V**estorius noster me per literas facit certiores, te Romæ ad vii. Idus Maii putare profectum esse, tardiùs quàm dixeras, quòd minùs valuisse. Si jam meliùs vales, vehementer gaudeo. Velim domum ad tuos scribas, ut mihi tui libri pateant, non secùs ac si ipse adesses, cùm cateri, tum Varronis: est enim mihi utendum quibusdam rebus ex iis libris ad eos, quos in manibus habeo; quos, ut spero, tibi valde probabo. Velim, si quid fortè novi habes, maximè à Quinto fratre, deinde à C. Cesare, & si quid fortè de comitiis, de Repub. (soles enim tu hæc festinè odorari) conscribas ad me. Si nihil habebis, tamen scribas aliquid. Nunquam enim mihi tua epistola aut intempestiva aut loquax visa est. Maximè autem rogo, rebus tuis, totòque itinere ex sententia confecto, nos quamprimum revisas. Dionysium jube salvere. Cura ut valeas.

M. T. C.



M. T. C. T. P. Attico S. ad Attic. 5. 3.

**A**D vi. Idus Maias veni in Trebulanum ad Pontium: ibi mihi tuae literae binæ redditae sunt tertio abs te die. Eodem autem ex Pompeiano Philotimo dederam ad te literas: nec verò nunc erat sanè, quid scriberem. Qui de Repub. rumores, scribe quaeso: in oppidis enim summum video timorem; sed multa inania. Quid de iis cogites, & quando, scire velim. Ad quas literas tibi rescribi velis, nescio: nullas enim adhuc acceperam, prater quæ mihi binæ simul in Trebulano redditae sunt: quarum altera editum Publii Licinii habebant (erant autem Nonis Maiis datae) altera rescripta ad meas Minturnenses. Quàm vereor, nè quid fuerit συνδεδωκότων in iis quas non accepi, quibus rescribi vis! Id est, magis letitiam. Apud Lentulum ponam te in gratiam. Dionysius nobis cordi est. Nicanor tuus operam mihi dat egregiam. Jam deest quid scribam, & lucet. Beneventi cogitabam hodie: nostrâ continentia & diligentia faciemus satis. A Pontio, ex Trebulano, ad v. Idus Maias.

M. T. C. T. P. Attico S. ad Attic. 5. 6.

**T**arentum veni ad xv. Calend. Junii. Quod Pontinum statueram expectare, commodissimum duxi dies eos, quoad ille veniret, cum Pompeio consumere; eoque magis, quod ei gratum esse id videbam, qui etiam à me petierit, ut secum, & apud se essem quotidie. Quod concessi libenter. Multos enim ejus praclaros de Republica ser-  
mones

*mones accipiam: instruar etiam consiliis idoneis ad hoc nostrum negotium. Sed ad te brevior jam in scribendo incipio fieri, dubitans, Romæ nè sis, an jam profectus: quod tamen quoad ignorabo, scribam aliquid potius, quàm committam, ut tibi, cùm possint reddi à me literæ, non reddantur: nec tamen jam habeo, quid aut mandem tibi, aut narrem: mandavi omnia quidem, quæ tu, ut polliceris, exhausties; narrabo, cùm aliquid habebo novi. Illud tamen non desinam, dum adesse putabo, de Cesaris nomine rogare, ut confectum relinquant. Avidè expecto tuas literas, & maximè, ut nôrim tempus profectiois tuæ. Vale.*

M. T. C. T. P. Attico S. ad Atticum, 7. 4.

**D**ionysium flagrantem desiderio tui misi ad te, nec mehercule a quo animo; sed fuit concedendum: quem quidem cognovi cùm doctum (quod mihi jam antè erat notum) tum sanctum, plenum officii, studiosum etiam meæ laudis, frugi hominem, ac, nè libertinum laudare videar, planè virum bonum. Pompeium vidi 4. Idus Decemb. fuimus unà horas duas fortasse; magnâ latitiâ mihi visus est affici meo adventu; de triumpho hortari, suscipere partes suas, monere, nè antè in Senatum accederem, quàm rem confecissem, nè dicendis sententiis aliquem Tribunum alienarem. Quid quaeris? in hoc iudicio & officio sermonis nihil potuit esse prolixius. De Repub. autem ita mecum loquutus est, quasi non dubium bellum haberemus: nihil

*ad*

ad spem concordia: planè illum ab se alienatum cum antè intelligeret, tum verò proximè iudicasse; venisse Hircium à Casare, qui esset illi familiarissimus; ad se non accessisse: & cum ille ad 8 Idus Decemb. vesperi venisset, Balbus de tota re constitisset, ad 7. ad Scipionem ante lucem venisse: multa de nocte profectum esse ad Casarem: hoc illi <sup>τὸ τελευτῶν</sup> videbatur esse alienationis. Quid multa? nihil me aliud consolatur, nisi quòd illum, cui etiam inimici alterum consulatum, fortuna summam potentiam dederat, non arbitror fore tam amentem, ut hac in discrimen adducat: quòd si ruere cœperit, na ego multa timeo, quæ non audeo scribere: sed, ut nunc est, ad 3. Non. Jan. ad urbem cogito.

Id est,  
signum in  
dubitatione

M. T. C. P. Attico S. ad Atticum, 7. 6.

**P**lanè deest quod ad te scribam: nota omnia tibi sunt, nec ipse habeo à te quod expectem. Tantum igitur nostrum illud solenne servemus, ut nè quem istùs euntem sine literis dimittamus. De Republica valde timeo; nec adhuc ferè inveni, qui non concedendum putaret Casari quod postularet, potius quàm depugnandum. Est illa quidem impudens postulatio, opinione valentior: cur autem nunc primum ei resistamus (<sup>ἔτι γὰρ ἀντὶ τοῦ μείζονος ἔσσοτο κακόν</sup>) quàm cum quinquennium prorogabamus, aut cum, ut absentis ratio haberetur, ferebamus? nisi fortè hac illi tum arma dedimus, ut nunc cum bene parato pugnaremus. Dices, Quid tu igitur <sup>sensu</sup>

Id est,  
non enim  
hoc majus  
sequebatur  
maius,

ferendus es? Non idem, quod dicturus. Sentiam enim omnia facienda, ne armis decertetur; dicam idem quod Pompeius, neq; id faciam humili animo: sed rursus hoc permagnum Reipub. malum est, & quodam modo mihi prater ceteros non rectum, me in tantis rebus à Pompeio dissidere. Vale.

M. T. C. T. P. Attico. ad Attic. 7. 9.

**S**ubitò consilium cepi, ut antequam luceret exirem, ne qui conspectus fieret, aut sermo, lictoribus praesertim laureatis. De reliquo neque hercule quid agam, nec quid acturus sim, scio; ita sum perturbatus temeritate nostri assentiissimi consilii. Tibi verò quid suadeam, cujus ipse consilium expecto? Cneus noster quid consilii ceperit, capiatve, nescio; adhuc in oppidis coarctatus; & stupent omnes. Si in Italia consistat, erimus una: sin cedit, consilii res est adhuc incerti. Nisi ego insanio, stultè omnia & incantè agi judico. Tu quaeso ad me crebrò scribe, vel quod in buccam venerit.

M. T. C. T. P. Attico S. ad Attic. 7. 17.

**N**ihil habeo quod ad te scribam: quinetiam eam epistolam, quam eram elucubratus, ad te non dedi: erat enim plena spei bonae, quòd & concionis voluntatem audieram, & illum conditionibus usurum putabam, praesertim suis. Ecce tibi 4. Nonas Februar. manè accepi literas tuas, Philotimi, Furnii, Curionis ad Furnium: quibus irridet L. Caesaris legationem. Planè oppressi videmur: nec  
quid

quid consiliis capiam, scio: nec mehercule de me laboro; de pueris quid agam non habeo. Capuam tamen proficiscebam hac scribens, quò facilius de Pompeiis rebus cognoscere. Vale.

M. T. C. T. P. Attico. ad Attic. lib. 7. 18.

**B** Reviloquentem jam me tempus ipsum facit: pacem enim desperavi. Bellum nostri nullum administrant. Cave enim putes quicquam esse minoris his Consulibus, quorum ego spe audiendi aliquid & cognoscendi nostri apparatus, maximo imbri Capuam veni pridie Non. ut eram jussus. Illi autem nondum venerant, sed erant venturi, inanes, imparati. Cneus autem Luceria dicebatur esse, & adire cohortes Legionum Aetianarum non firmissimarum. At illum ruere nunciant, & jam jamque adesse, non ut manum conferat (quicum enim?) sed, ut fugam intercludat. Ego autem in Italia  $\chi$   $\sigma\upsilon\nu\alpha\tau\tau\epsilon\delta\alpha\upsilon\epsilon\iota\nu$  nec te id consulo: sin extra, quid ago? Ad manendum hyems, lictores improvidi, & negligentes duces; ad fugam hortatur amicitia Cnei, causa bonorum, turpitudine conjungendi cum tyranno: qui quidem, incertum est, Phalarimne, an Pisistratum sit imitaturus. Hac velim explices, & me juves consilio. Etsi te ipsum istic jam carere puto: sed tamen, quantum poteris. Ego siquid hinc hodie novi cognôro, scies: jam enim aderunt consules ad suas Nonas. Tuas quotidie literas expectabo. Ad has autem, cum poteris, rescribes. Mulieres & Cicerones in Formiano reliqui. Vale.

Id est,  
vel com-  
mori.

M. T. C.



M. T. C. T. P. Attico. ad Atticum, lib. 7. 20.

**P**Edem in Italia video nullum esse, qui non in istius potestate sit. De Pompeio scio nihil, eumque, nisi in navim se contulerit, exceptum iri puto. O celeritatem incredibilem! hujus autem nostri! Sed non possum sine dolore accusare eum, de quo angor & crucior. Tu cadem non sine causa times; non quò minùs quicquam expediat Casari ad diuturnitatem victoriæ, & dominationis: sed video, quorum arbitrio sit acturus. Rectè sit: censeo cedendum de oppidis his: egeo consilii: quod optimum factu videbitur, facies: cum Philotimo loquere, atque adeò Terentiam habebis Idibus. Ego quid agam? quâ aut terrâ aut mari persequar eum, qui, ubi sit, nescio? Et si terrâ quidem, quâ possum? mari, quò? tradam igitur isti me? fac posse tutò; multi enim hortantur: num etiam honestè? Nullo modo quidem à te petam consilium, ut soleo. Explicari res non potest: sed tamen si quid in mentem venit, velim scribas; & ipse quid sis acturus. Vale.

M. T. C. T. P. Attico S. ad A. 7. 22.

**P**hilotimi literæ me quidem non nimis, sed eos qui in his locis erant admodum delectârunt. Ecce postridie Cassii literæ Capuâ à Lucretio familiari ejus, Nigidium à Domitio Capuam venisse; eum dicere, Vibullium cum paucis militibus è Piceno currere ad Cneum, confestim sequi Casarem, Domitium non habere militum vim. Idem scripsit

scripsit Consules Capuâ discessisse. Non dubito quin Cneus in fuga sit, modò effugiat. A consilio fugiendi, ut tu censes, absum. Vale.

M. T. C. T. P. Attico S. ad Attic. 7. 23.

**C**Um dedissem ad te literas tristes, & metuo nè ueras, de Lucretii ad Cassium literis Capuâ missis, Cephaliò venit à vobis: attulit etiam à te literas hilariores, nec tamen firmas, ut soles. Omnia faciliùs credere possum, quàm quòd scribitis, Pompeiun exercitum habere. Nemo huc ità assert, omniàq; quæ nolim. Rem miseram! malas causas semper obtinuit: in optima concidit. Quid dicam, nisi illud eum scîsse, (neq; enim erat difficile) hoc nescîsse? erat enim ars difficilis, rectè Rempub. regere. Sed jam jamque omnia sciemus, & scribemus ad te statim. Vale.

M. T. C. T. P. Attico S. ad Attic. 8. 7.

**U**Num etiam restat amico nostro ad omne dedecus, ut Domitio non subueniat. At nemo dubitat, quin subsidio venturus sit: ego non puto. Deseret igitur talem civem, & eos quos unà scis esse, cùm habeat præsertim & ipse cohortes 30? Nisi me omnia fallant, deseret. Incredibiliter pertimuit: nihil spectat nisi fugam, cui tu (video enim quid sentias) me comitem putas debere esse. Ego verò quem fugiam habeo: quem sequar, non habeo. Quòd enim tu meum consiliun laudas, & memorandum dicis, malle quòd dixerim me cum Pompeio vinci, quàm cum istis vincere: ego verò

**D**

male

*malo : sed cum illo Pompeio qui tum erat, aut qui mihi esse videbatur. Cum hoc verò, qui antè fugit, quàm scit, aut quem fugiat, aut quò, qui nostra tradidit, qui patriam reliquit, Italiam deseruit, si malui, contigit, victus sum. Quod superest, nec ista videre possum, quæ nusquam timui nè viderem; nec mehercule istum, propter quem mihi non modo meis, sed memetipso carendum est. Ad Philotimum scripsi de viatico, sive à moneta (nemo enim solvit) sive ab Oppiis tuis contubernalibus. Cetera apposta tibi mandabo. Vale.*

Cn. Pomp. Procons. M. T. Ciceroni Imp.  
S. ad Attic. 8. 14.

**T**uas literas libenter legi. Recognovi enim tuam pristinam virtutem etiam in salute communi. Consules ad eum exercitum, quem in Apulia habui, venerunt. Magnopere te hortor, pro tuo singulari perpetuòque studio in Remp. ut te ad nos conferas, ut communi consilio Reipub. afflictæ opem atque auxilium feramus. Censeo viâ Appiâ iter facias, & celeriter Brundisium venias. Cura ut valeas.

Cn. Pomp. Procons. L. Domitio S. ad Attic. 8. 18.

**M**iror te ad me nihil scribere, & potiùs ab aliis quàm à te de Repub. certiozem me fieri. Nos disiectâ manu pares adversariis esse non possumus: contractis nostris copiis, spero nos & Reipub. & communi saluti prodesse. Quamobrem cum constituisses, ut Vibullius mihi scripserat, ad 5. Id. Febr. Corfinio proficisci cum exercitu, & ad me venire,

nire, miror quid causæ fuerit, quare consilium mutâris. Nam illa causa, quam mihi Vibullius scribit, levis est, te propterea moratum esse quod audieris Casarem Firmo progressum in castrum Truentinum venisse. Quantò enim magis appropinquare adversarius cœperat, cò tibi celerius agendum erat, ut te mecum jungeres prius, quàm Caesar aut tuum iter impedire, aut me abs te excludere posset. Quamobrem etiam te rogo & hortor, id quod non destiti superioribus literis à te petere, ut primo quoque die Luceriam advenires, antequam copię, quas instituit Caesar contrahere, in unum locum coactę, nos à nobis distrahant: sed, si erunt qui te impediant, ut illas suas, servant; æquum est me à te impetrare, ut cohortes, quę ex Piceno & Camerino venerunt, quę fortunas suas reliquerunt, ad me missum facias. Vale.

Cn. Pomp. L. Dom. S. ad Attic. lib. 8. Epist. 20.

**L** Itera mihi à te reddita sunt ad 14. Calend. Mar. in quibus scribis, Casarem apud Corfinium castra posuisse. Quod putavi, & pramonui, fit, ut nec in præsentia committere tecum prælium velit, & omnibus copiis conductis, te implicet, nè ad me iter expeditum tibi sit, atque istas copias conjungere optimorum civium possis cum his legionibus, de quarum voluntate dubitamus: quò magis etiam tuis literis sum commotus: neque enim eorum militum, quos mecum habeo, voluntati satis confido, ut de omnibus fortassis Reipub. dimicem:

D 2

Neque

Neque etiam, qui ex delectibus conscripti sunt à Consulibus, convenerunt. Quare da operam, si ullâ ratione etiam nunc efficere potes, ut te explices, & huc quamprimum venias, antequam omnes copie adversariorum conveniant. Neque enim celeriter ex delectibus huc homines convenire possunt: & si convenirent, quantum iis committendum sit, quod inter se non noti sunt, contra veteranas legiones, non te praterit. Vale.

M. T. C. T. P. Attico S. ad Atticum, lib. 8. Epist. 21.

**L** Ippitudinis mea signum tibi sit librarii manus, & eadem causa brevitatis; etsi nunc quidem quod scriberem nihil erat. Omnis expectatio nostra erat in nuntiis Brundusinis: si nactus hic esset Cæcum nostrum, spes dubia pacis; sin ille antè transmississet, exitiosi belli metus. Sed vidēsne in quem hominem inciderit Respublica? quàm acutum? quàm vigilantem? quàm paratum? si mehercule neminem occiderit, nec cuiquam quicquam ademerit, ab iis qui eum maximè timuerant, maximè diligitur. Multum mecum municipales homines loquuntur, multum rusticani: nihil prorsus aliud curant, nisi agros, nisi villulas, nisi nummulos suos. Et vide quàm conversa res est: illum, cui antea confidebant, metuunt; hunc amant, quem timebant. Id quantis nostris peccatis vitiisque evenerit, non possum sine molestia cogitare. Quæ autem impendere putâram, scripseram ad te, & jam tuas literas expectabam. Vale.

C. Cæsar



C. Cæsar M. T. C. S. ad Attic. 9. Epist. 5.

**C**um Furnium nostrum tantum vidissem, neque alloqui, neque audire me commodè potuisset properantem, atque essem in itinere, pramissis jam legionibus; præterire tamen non potui, quin & scriberem ad te, & illum mitterem, gratiasque agerem. Etsi hoc officium & feci sæpe, & sæpius mihi facturum videor: ita de me mereris. Imprimis à te peto, quoniam confido me celeriter ad urbem venturum ut ibi te videam, ut tuo consilio, gratiâ, dignitate, ope omnium rerum uti possim. Ad propositum revertar: festinationi meæ brevitatique literarum ignosces. Reliqua ex Furnio cognosces. Vale.

C. Cæsar C. Oppio & L. Cornelio Balbo S.  
ad Atticum, 9. 8.

**G**audeo mehercule vos significare literis, quam valde probetis ea quæ apud Corfinium sunt gesta. Consilio vestro utar libenter, & hoc libentius, quòd meâ sponte facere constitueram, ut quam lenissimum me præberem; & Pompeiam, darem operam, ut reconciliarem. Tentemus hoc modo, si possumus omnium voluntates recuperare, & diuturnâ victoriâ uti: quoniam reliqui crudelitate odium effugere non potuerunt, neque victoriam diutius tenere, præter unum L. Sullam, quem imitaturus non sum. Hac nova sit ratio vincendi, ut misericordiâ & liberalitate nos muniamus. Id quemadmodum fieri possit, nonnulla mihi in

*mentem veniunt, & multa reperiri possunt. De his rebus, rogo vos, ut cogitationem suscipiatis. Cneum Magium, Pompeii praefectum, deprehendi; scilicet meo instituto usus sum, & cum statim missum feci. Jam duo praefecti fabriū Pompeii in meam potestatem venerunt, & à me missi sunt. Si volent grati esse, debebant Pompeium hortari, ut malit mihi esse amicus, quàm iis, qui & illi & mihi semper fuerunt inimicissimi: quorum artificiiis effectum est, ut Respub. in hunc statum perveniret. Valet.*

M. T. C. Caesari S. ad Attic. 9. Epist. 13.

**V***T legi tuas literas quas ab Furnio nostro acceperam, quibus mecum agebas, ut ad urbem essem, te velle uti consilio & dignitate meâ, minùs sum admiratus. De gratia & de ope quid significares, mecum ipse querebam: spe tamen deducebar ad eam cogitationem, ut te pro tua admirabili ac singulari sapientia, de otio, de pace, de concordia civium agi velle arbitrarer; & ad eam rationem existimabam satis aptam esse & naturam, & personam meam: quod si ita est, & si qua de Pompeio nostro tuendo, & tibi ac Reip. reconciliando, cura te attingit; magis idoneum, quàm ego sum, ad eam causam profectò reperies neminem: qui & illi semper, & senatui, quamprimum potui, pacis autor fui: nec, sumptis armis, belli ullam partem attigi: judicavique te eo bello violari, contra cujus honorem, populi Romani beneficio concessum,*

*cessum, inimici atque invidi niterentur. Sed ut eo tempore non modò ipse autor dignitatis tua fui, verùm etiam ceteris autor ad te adiuvandam; sic me nunc Pompeii dignitas vehementer movet: aliquot enim sunt anni, cùm vos duos delegi, quos præcipuè colerem, & quibus essem, sicut sum, amicissimus. Quamobrem à te peto, vel potiùs precibus omnibus oro & obtestor, ut in tuis maximis curis aliquid impertias temporis huic quoque cogitationi, ut tuo beneficio bonus vir, gratus, pius denique esse in maximi beneficii memoria possim. Quæ si tantùm ad me ipsum pertinerent, sperarem me à te tam impetraturum: sed, ut arbitror, & ad tuam fidem, & ad Rempub. pertinet, me & pacis utriusque vestrùm, & ad civium concordiam, per te, quàm accommodatissimum conservari. Ego, cùm antea tibi de Lentulo gratias egissem, cùm ei saluti, qui mihi fuerat, fuisses; tamen ejus lectis literis, quas ad me gratissimo animo, de tua liberalitate beneficioque misit, eandem me salutem à te accepisse putavi, quam ille: in quem si me intelligis esse gratum, cura, obsecro, ut etiam in Pompeium esse possim. Vale.*

Balbus M. T. Ciceroni Imp. S. D. ad Attic. 9. 16.

**C**æsar nobis literas perbreves misit, quarum exemplum subscripsi: brevitatem epistolæ scire poteris eum valde esse distentum, qui tanta de re tam breviter scripserit. Si quid præterea novum fuerit, statim tibi scribam. Cæsar Oppio Corne-

Uoque S. Ad vii. Id. Mart. Brundisium veni: ad murum castra posui. Pompeius est Brundisii: misit ad me Cn. Magium de pace: qua visa sunt, respondi. Hoc vos statim scire volui. Cum in spem venero de compositione aliquid me conficere, statim vos certiores faciam. Valete. Quomodo me nunc putas (mi Cicero) torqueri, postquam rursus in spem pacis veni, nequa res compositionem eorum impediatur? Namque quod absens facere non possum, opto: quod si unâ essem, aliquid fortasse proficere possem. Nunc expectatione crucior. Vale.

M. T. C. T. P. Attico S. ad Attic. 10. 2.

**E**Go cum accepissem tuas literas Nonis April. quas Cephalio attulerat, essẽque Minturnis postridie mansurus, & inde protinus; sustinui me in Arcano fratris, ut, dum aliquid certius afferretur, occultiore in loco essemus; agerenturque nihilominus, qua sine nobis agi possunt. MNE-MONEUTICA jam adest, & animus ardet; nec est quicquam, quod & quã; sed hac nostra erit cura, & peritorum. Tu tamen quoad poteris, ut adhuc fecisti, nos consiliis iuvabis. Res sunt inexplicabiles: fortuna sunt committenda omnia: sine spe conamur ulla: melius si quid acciderit, mirabimur. Dionysium nolim ad me profectum, de quo ad me Tullia mea scripsit: sed & tempus alienum est, & homini non amico nostra incommoda, tanta praesertim, spectaculo esse nollem: cui te meo nomine inimicum esse nolo. Vale.

Cæsar

Cæsar Imp. M. T. C. Imp. S. ad Attic. 10. 8.

**E**tsi te nihil temere, nihil imprudenter facturum judicâram: tamen permotus hominum famâ, scribendum ad te existimavi, & pro nostra benevolentia petendum, nè quò progredereris, inclinâtâ jam re; quâ integrâ etiam progrediendum tibi non existimâsses. Namque & amicitia graviolem injuriam feceris, & tibi minùs commodè consulueris, si non fortuna obsequutus videbere. Omnia enim secundissima nobis, adversissima illis accidisse videntur: nec causam secutus videris, (eadem enim tum fuit, cùm ab eorum consiliis abesse judicâsti) sed meum aliquod factum condemnâsse; quo mihi gravius abs te nihil accidere potest: quod nè facias, pro jure nostræ amicitia à te peto. Postremò, quid viro bono & quieto, & bono civi magis convenit, quàm abesse à civilibus controversiis? quod nonnulli cùm probarent, periculi causâ sequi non potuerunt. Tu, explorato & vitæ meæ testimonio, & amicitia judicio, neq; tutius, neque honestius reperies quicquam, quàm ab omni contentione abesse. xv. Cal. Maias ex itinere. Vale.

M. T. C. T. P. Attico S. ad Attic. 11. Epist. 18.

**D**e illius ab Alexandria discessu, nihil adhuc rumoris; contrariæ opinio, valde esse impeditum. Itaque nec mitto (ut constitueram) Ciceronem: & te rogo, ut me hinc expedias: quodvis enim supplicium levius est hac permansione. Hac de re & ad Amonium scripsi, & ad Balbum,



& ad Oppium. Sive enim bellum in Italia futurum est, sive classibus utetur, hic esse me minimè convenit: quorum fortasse utrumque erit, alterum certè. Intellexi omnino ex Oppii sermone, quem tu mihi scripsisti, qua istorum via esset; sed ut eam flectas, te rogo. Nihil omnino jam expecto nisi miserum. Sed hoc perditius, in quo nunc sum, fieri nihil potest. Quare cum Antonio loquere velim, & cum istis, & rem ut poteris expedias, & mihi quamprimum de omnibus rebus rescribas. Vale.  
 12. Calend. Quint.

M. T. C. T. P. Attico S. ad Atticum, 11. 19.

Cum tuis dare possem literas, non pratermisi, Et si quod scriberem non habebam. Tu ad nos & rariùs scribis quàm solebas, & brevius. Credo quia nihil habes, quod me putes libenter legere aut audire posse. Veruntamen velim, si quid erit, quaecunque erit, scribas. Est autem unum quod mihi sit optandum si quid agi de pace possit, quod nulla equidem habeo in spe. Sed quia tu leviter interdum significas, coges me sperare quod optandum vix est. Philotimus dicitur secedere Idibus Sextil. nihil habeo de eo ampliùs. Tu velim ad ea mihi rescribas, quae ad te antea scripsi. Mihi tantum temporis satìs est, dum, ut in pessimis rebus, aliquid caveam, qui nihil unquam cavi. Vale. 11. Calend. Sextil.

M. An-

M. Antonius Conf. M. T. Ciceroni S. ad  
Attic. 14. 10.

**O**ccupationibus est factum meis, & subitâ tuâ  
profectione, nè tecum coram de hac re age-  
rem: quam ob causam vereor, nè absentia mea le-  
vior sit apud te. Quod si bonitas tua responderit  
iudicio meo, quod semper habui de te, gaudebo. A  
Cesare petii, ut Sextum Clodium restitueret: im-  
petravi. Erat mihi in animo etiam tum sic uti be-  
neficio ejus, si tu concessisses: quò magis laboro,  
ut tuâ voluntate id per me facere nunc liceat:  
quòd si duriores te ejus misera & afflicta fortune  
præbes, non contendam ego adversus te: quanquam  
videor debere tueri commentarium Caesaris. Sed  
mehercule si humaniter, & sapienter, & amabi-  
liter in me cogitare vis, facilem te profectò præ-  
bebis; & voles P. Clodium in optima spe puerum  
repositum existimare, non te infectatum esse, cum  
potueris, amicos paternos. Patere, obsecro te, pro  
Repub. videri gessisse similitatem cum patre ejus:  
non contempseris hanc familiam. Honestius enim  
& libentius deponimus inimicitias Reipub. no-  
mine susceptas, quàm contumacia. Me deinde  
sine ad hanc opinionem jam nunc dirigere pue-  
rum, & tenero animo ejus persuadere, non esse  
tradendas posteris inimicitias. Quanquam tuam  
fortunam (Cicero) ab omni periculo abesse certum  
habeo: tamen arbitror malle te quietam senectu-  
tem, & honorificam potiùs agere, quàm sollicitam.  
Postremò,

*Postremò, meo jure te hoc beneficium rogo: nihil enim non tuâ causâ feci. Quod si non impetro, per me Clodio daturus non sum: ut intelligas, quanti apud me autoritas tua sit, atque eò te placabiliorem præbeas. Vale.*

M. T. C. Planc. Præf. Def. S. ad Attic. 16, 16.


**I**gnosce mihi, quòd cùm antea accuratissimè de Buthrotiis ad te scripserim, eadem de re sapius scribam. Non mehercule, mi Plance, facio, quòd parùm confidam aut liberalitati tuæ, aut nostræ amicitie: sed cùm tanta res agatur Attici nostri, nunc verò etiam existimatio, ut id quod probavit Cæsar, nobis testibus & obsignatoribus, qui & decretis & responsis Cæsaris interfueramus, videatur obtinere potuisse: præsertim cùm tota potestas ejus rei tua sit, ut ea, quæ Consules decreverunt secundum Cæsaris decreta & responsa, non dicam comprobes, sed studiosè libentèrque comprobes. Id mihi sic erit gratum, ut nulla res gratior esse possit. Et si jam sperabam, cùm has literas accepisses, fore, ut ea, quæ superioribus literis à te petiissemus, impetrata essent: tamen non faciam finem rogandi, quoad nobis nuntiatum erit, te id fecisse, quod magna cum spe expectamus. Deinde enim confido fore, ut alio genere literarum utamur, tibi que pro tuo summo beneficio gratias agamus: quod si acciderit, velim sic existimes, non tibi tam Atticum, cujus permagnares agitur, quàm me, qui non minùs laboro quàm ille, obligatum fore. Vale.

M. T. C.

M. T. C. Capitoni S. ad Attic. lib. 16. 17.

**N**on dubito quin mirere, atque etiam stomache-  
re, quòd tecum de eadem re agam sapius. Ho-  
minis familiarissimi, & mihi omnibus rebus con-  
junctissimi permagna res agitur, Attici. Cognovi  
ego tua studia in amicos, etiam in te amicorum:  
multum potes nos apud Plancum juvare. Novi hu-  
manitatem tuam; scio quàm sis amicis jucundus:  
nemo nos in hac causa plus juvare potest, quàm tu:  
& res ista est firma, ut debet esse, quam Consules de  
consilii sententia decreverunt, cum & lege & sena-  
tusconsulto cognoscerent: tamen omnia posita puta-  
mus in Planci tui liberalitate; quem quidem arbi-  
tramur, cum officii tui, & Reipub. causâ de-  
cretum Consulum comprobaturum, tum  
libenter nostrâ causâ esse factu-  
rum. Adjuvabis igitur, mi  
Capito: quod ut facias,  
vehementer etiam  
atq; etiam rogo.  
Vale.

Finis libri secundi.



## LIBER TERTIUS.

Servius Sulpitius M. T. C. S. Fam. lib. 4.

Epist. 5.

**P**osteaquam mihi renuntiatum est de obitu Tulliae filiae tuae, sanè quàm, pro eo ac debui, graviter molestèque tuli; communemque eam calamitatem existima- vi: qui si istic affuissem, neque tibi defuissem, coràmque meum dolorem tibi declaràssem. Et si genus hoc consolationis miserum atque acerbum est, propterea quia per quos id fieri debet, propinquos ac familiares, ipsi pari molestià afficiuntur, neque sine lacrymis multis id conari queunt: ut magis ipsi videantur aliorum consolatione indigere, quàm aliis posse suum officium prestare: tamen quae in praesentia mihi in mentem venerunt, decrevi brevè ad te perscribere: non quòd ea te fugere existimem; sed quòd forsitan dolore impeditus, minùs ea perspicias. Quid est, quòd tantopere te commoveat tuus dolor intestinus? Cogita, quemadmodum adhuc fortuna nobiscum egerit: ea nobis erepta esse, quae hominibus non minùs, quàm liberi, chara esse debent; patriam, honestatem, dignitatem, honores



nores omnes. Hoc uno incommodo addito, quid ad dolorem adjungi potuit? aut qui non in illis rebus exercitatus animus callere jam debet, atque omnia minoris aestimare? An illius vicem (credo) doles? quoties in eam cogitationem necesse est ut tu veneris, ut nos saepe incidimus, hisce temporibus non pessimè cum iis esse actum, quibus sine dolore licitum est mortem cum vita commutare? quid autem fuit, quod illam hoc tempore ad vivendum magnopere invitare posset? qua res? qua spes? quod animi solatium? Ut cum aliquo adolescente primario conjuncta aetatem ageret? licitum est tibi (credo) pro tua dignitate, ex hac juventute generum deligere, cujus fidei liberos tuos te tutò committere putares. An ut ea liberos ex sese pareret, quos cum florescentes videret, lataretur? qui rem à parenta traditam per se tenere possent; honores ordinatim in Republica petaturi essent; in amicorum negotiis liberalitate suà uterentur? Quid horum fuit, quod non prius, quàm datum est, ademptum sit? At verò malum est liberos amittere. Malum; nisi hoc pejus sit, hæc sufferre & perpeti. Quæ res mihi non mediocrem consolationem attulit, volo tibi commemorare, si fortè eadem res tibi minuere dolorem posset. Ex Asia rediens, cum ab Egina Megaram versus navigarem, cæpi regiones circumcirca prospicere. Post me erat Egina, ante Megara, dextrâ Pireus, sinistrâ Corinthus: quæ opida quodam tempore florentissima fuerunt; nunc prostrata

prostrata & diruta ante oculos jacent. Cœpi ego met mecum sic cogitare, Hem, nos homunculi indignamur, si quis nostrum interiit, aut occisus est, quorum vita brevior esse debet, cum uno loco tot oppidorum cadavera projecta jaceant? Visne tu te (Servi) cohibere, & meminisse hominem te esse natum? Crede mihi, cogitatione eâ non mediocriter sum confirmatus. Hoc idem, si tibi videtur, fac ante oculos tibi proponas. Modò uno tempore tot viri clarissimi interierunt: de imperio praterea tanta diminutio facta est; omnes provincie conquassatae sunt: in unius muliercula animula si jactura facta sit, tantopere commoveris? quæ si hoc tempore non suum diem obiiisset, paucis post annis tamen ei moriendum fuit; quoniam homo nata fuerat. Etiam tu ab hisce rebus animum ac cogitationem tuam avoca: atque ea potiùs reminiscere, quæ digna tuâ personâ sunt: illam, quamdiu ei opus fuerat, vixisse; unâ cum Repub. fuisse; te patrem suum, Praetorem, Consulem, Augurem vidisse; adolescentibus primariis nuptam fuisse; omnibus bonis propè perfunctam esse; cum Resp. occideret, vitâ excessisse. Quid est, quod tu aut illa cum fortuna hoc nomine queri possitis? Denique noli te oblivisci Ciceronem esse, & eum qui aliis consueveris præcipere & dare consilium; nec imitare malos medicos, qui in alienis morbis profitentur se tenere medicinæ scientiam, ipsi se curare non possunt: sed potiùs, quæ aliis tute præcipere soles, ea tute tibi subijce, atque  
apud

apud animum propone. Nullus dolor est, quem non longinquitas temporis minuat, atque molliat. Hoc te expectare tempus tibi turpe est, ac non ei rei sapientiâ tuâ te occurrere. Quod si quis etiam inferis sensus est, qui illius amor in te fuit, pietâsque in omnes suos, hoc certè illa te facere non vult: da hoc illi mortuæ: da cæteris amicis ac familiaribus, qui tuo dolore mœrent: da patriæ; ut, si qua in re opus sit, operâ & consilio tuo uti possit. Denique quoniam in eam fortunam devenimus, ut etiam huic rei nobis serviendum sit; noli committere, ut quisquam te putet non tam filiam, quàm Reipub. tempora, & aliorum victoriam lugere. Plura me ad te de hac re scribere pudet, nè videar prudentiæ tuæ diffidere. Quare, si hoc unum proposuero, finem faciam scribendi. Vidimus aliquoties secundam pulcherrimè te ferre fortunam, magnâque ex ea re te laudem adipisci: fac aliquando intelligamus, adversam quoque te aequè ferre posse, neque id majus, quàm debeat, tibi onus videri; nè ex omnibus virtutibus hæc una tibi videatur deesse. Quod ad me attinet, cùm te tranquilliore animo esse cognovero, de iis rebus quæ hic geruntur, quemadmodumque se provincia habeat, certiolem faciam.

M. Cicero S. D. Servio Sulp. Fam. 4. Epist. 5.

**E**go verò (Servi) vellem, ut scribis, in meo gravissimo casu affuisses. Quantum enim præsens me adjuvare potueris, & consolando, & propè aequè dolendo, facilè ex eo intelligo, quèd literis tuis le-

E

Etis

etis aliquantulum acquievi. Nam & ea scripsisti  
quæ levare luctum possent, & in me consolando  
non mediocrem ipse animi dolorem adhibuisti.  
Servius tamen tuus omnibus officiis, quæ illi tem-  
pori tribui potuerunt, declaravit, & quanti ipse  
me faceret, & quàm suum talem erga me animum  
tibi gratum putaret fore: cujus officia jucundio-  
ra scilicet sæpe mihi fuerunt, nunquam tamen  
gratiora. Me autem non oratio tua solùm, & so-  
cietas penè agritudinis, sed etiam autoritas con-  
solatur. Turpe enim esse existimo, me non ità ferre  
casum meum, ut tu tali sapientiâ præditus feren-  
dum putas. Sed opprimor interdum, & vix resisto  
dolori, quòd ea me solatia deficiunt, quæ cæteris,  
quorum mihi exempla propono, simili in fortuna  
non defuerunt. Nam & Q. Maximus, qui filium  
consularem, clarum virum, & magnis rebus gestis,  
amisit; & L. Paulus, qui duos septem diebus;  
& vester Gallus; & M. Cato, qui summo ingenio,  
summâ virtute filium perdidit; iis temporibus fu-  
erunt, ut eos tum ipsorum dignitas consolaretur ea,  
quam ex Repub. consequerentur: mihi autem, a-  
missis ornamentis iis, quæ ipse commemoras, quæq;  
eram maximis laboribus adeptus, unum ma-  
nebat illud solatium, quod ereptum est. Non ami-  
corum negotiis, non Reipub. procuracione impe-  
diebantur cogitationes meæ: nihil in foro agere  
licebat: aspicere curiam non poteram: existima-  
bam id quod erat, omnes me & industria mea fru-  
ctus,

Elus, & fortuna perdidisse. Sed cùm cogitarem, hæc mihi tecum, & cum quibusdam esse communia, & cùm frangerem jam ipse me, cogeremque illa ferre toleranter; habebam quò confugerem, ubi conquiescerem, cujus in sermone & suavitate omnes curas doloresque deponerem. Nunc autem, hoc tam gravi vulnere, etiam illa, quæ consenuisse videbantur, recrudescunt. Non enim, ut tum me à Republica mœstum domus excipiebat, quæ levaret, sic nunc domo mœrens ad Rempublicam confugere possum, ut in ejus bonis acquiescam. Itaque & domo absam, & foro; quòd nec eum dolorem, quem è Republica capio, domus jam consolari potest, nec domesticum Respub. Quò magis te expecto, téque videre quamprimum cupio. Major mihi levatio afferri nulla potest, quàm conjunctio consuetudinis, sermonumque nostrorum: quanquam sperabam tuum adventum (sic enim audiebam) appropinquare. Ego autem cùm multis de causis te exopto quamprimum videre, tum etiam ut antè commentemur inter nos, quâ ratione nobis traducendum sit hoc tempus, quod est totum ad unius voluntatem accommodandum, & prudentis & liberalis, & (ut perspexisse mihi videor) nec à me alieni, & tibi amicissimi. Quod cùm ita sit, magna tamen est deliberationis, quæ ratio sit inveniunda nobis, non agendi aliquid, sed illius concessu & beneficio quiescendi. Vale.



M T. C. S. D. L. Lucio Q. Fil. Fam. lib. 5.

Epist. 12.

**C**Oràm me tecum eadem hac agere sepe conan-  
tem deterruit pudor quidam penè subrusti-  
cus, qua nunc expromam absens audaciùs. Episto-  
la enim non erubescit. Ardeo cupiditate incredi-  
bili, neque ( ut ego arbitror ) reprehendendà, nomen  
ut nostrum scriptis illustretur & celebretur tuis:  
quod etsi mihi sepe ostendis te esse facturum, ta-  
men ignoscas velim huic festinationi mea. Genus  
enim scriptorum tuorum etsi erat semper à me ve-  
hementer expectatum, tamen vicit opinionem me-  
am; meque ita vel cepit, vel incendit, ut cuperem  
quàm celerrimè res nostras monumentis commen-  
dari tuis. Non enim me solùm commemoratio po-  
steritatis ad spem quandam immortalitatis rapit:  
sed etiam illa cupiditas, ut vel autoritate testi-  
monii tui, vel indicio benevolentiae, vel sua-  
vitate ingenii, vivi perfruamur. Neque tamen  
hac cùm scribebam, eram nescius, quantis oneribus  
premerère susceptarum rerum, & jam instituta-  
rum: sed quia videbam Italici belli, & civilis hi-  
storiæ jam penè à te esse perfectam (dixeras au-  
tem mihi, te reliquas res ordiri) deesse mihi nolui,  
quin te admonerem, ut cogitares conjunctè ne  
malles cum ceteris rebus nostra contexere; an, ut  
multi Græci fecerunt, Callisthenes Troicum bel-  
lum, Timeus Pyrrhi, Polybius Numantinum (qui  
omnes à perpetuis suis historiis ea quæ dixi bella  
separa-

separaverunt ) tu quoque ità civilem conjurationem ab hostilibus externisque bellis sejungeres. Equidem ad nostram laudem non multùm video interesse: sed ad properationem meam quiddam interest, non te expectare, dum ad locum venias, at statim causam illam totam, & tempus arripere. Et simul si uno in argumento, unàque in persona mens tua tota versabitur, cerno jam animo, quantò omnia uberiora atque ornatiores futura sint. Neque tamen ignoro, quàm impudenter faciam, qui primùm tibi tantum oneris imponam ( potest enim mihi denegare occupatio tua ) deinde etiam, ut ornes me postulem. Quid si illa tibi non tantopere videntur ornanda? Sed tamen, qui semel verecundia fines transierit, cum bene & gnaviter oportet esse impudentem. Itaque te planè etiam atque etiam rogo, ut & ornes ea vehementiùs etiam quàm fortasse sentis, & in eo leges historia negligas: gratiamque illam, de qua suavissimè quodam in procemio scripsisti, à qua te affici non magis potuisse demonstras, quàm Herculem Xenophontium illum à voluptate: ea si me tibi vehementiùs commendabit, nè aspernère; amorique nostro plusculum etiam, quàm concedit veritas, largiari. Quod si te adducemus, ut hoc suscipias; erit ( ut mihi persuadeo ) materies digna facultate, & copià tuà. A principio enim conjurationis usque ad reditum nostrum, videtur mihi modicum quoddam corpus confici posse: In quo & illà poteris uti civi-

*tium commutationum scientiâ, vel in explicandis  
 causis rerum novarum, vel in remediis incommo-  
 dorum: cùm & reprehendes ea, quæ vituperanda  
 duces; & quæ placebunt, exponendis rationibus  
 comprobabis; & si liberiùs, ut consuevisti, agen-  
 dum putabis, multorum in nos perfidiam, insidias,  
 proditorem notabis. Multam etiam casus nostri  
 tibi varietatem in scribendo suppeditabunt, ple-  
 nam cujusdam volaptatis, quæ vehementer ani-  
 mos hominum in legendo scripto retinere possit.  
 Nihil est enim aptius ad delectationem lectoris,  
 quàm temporum varietates, fortunæq; vicissitu-  
 dines: quæ etsi nobis optabiles in experiendo non  
 fuerunt, in legendo tamen erunt jucundæ. Habet  
 enim præteriti doloris secunda recordatio delecta-  
 tionem: ceteris verò, nullâ persunctis propriâ mo-  
 lestiâ, casus alienos sine ullo dolore intuentibus,  
 etiam ipsa misericordia est jucunda. Quem enim  
 nostrum ille moriens apud Mantineam Epami-  
 nondas non cum quadam miseratione delectat?  
 qui tum denique sibi avelli jubet spiculum, postea-  
 quam ei percontanti dictum est, clypeum esse sal-  
 vum: ut etiam in vulneris dolore, æquo animo cum  
 laude moreretur. Cujus studium in legendo non  
 erectum Themistoclis fugâ, redditumque retinetur?  
 Etenim ordo ipse annalium mediocriter nos  
 retinet, quasi enumeratione fastorum. At viri  
 sæpe excellentis ancipites variæque casus habent  
 admirationem, expectationem, letitiam, molesti-  
 am,*

am, spem, timorem: si verò exitu notabili conclu-  
dantur, expletur animus jucundissimæ lectionis  
voluptate. Quid mihi acciderit optatius, si in hac  
sententia fueris, ut à continentibus tuis scriptis,  
in quibus perpetuam rerum gestarum historiam  
complecteris, secernas hanc quasi fabulam rerum,  
eventorúmque nostrorum? Habet enim varios  
actus, multásque actiones & consiliorum & tempo-  
rum. Ac non vereor nè assentatiunculâ quadam au-  
cupari tuam gratiam videar, cùm hoc demonstrẽ,  
me à te potissimùm ornari celebrarique velle. Neque  
enim tu is es, qui, quis sis, nescias; & qui non  
eos magis, qui te non admirentur, invidos, quàm  
eos qui laudent, assentatores arbitrèrẽ. Neque au-  
tem ego sum ità demens, ut me sempiternæ gloriæ  
per eum commendari velim, qui non ipse quoque in  
me commendando propriam ingenii gloriam con-  
sequatur. Neque enim Alexander ille gratiæ  
causâ ab Apelle potissimùm pingi, & à Lysippo  
fingi volebat; sed quòd illorum artem cùm ipsis,  
tum etiam sibi gloriæ fore putabat. Atque illi ar-  
tífices, corporis simulachra ignotis nota faciebant;  
quæ vel si nulla sint, nihilo sunt tamen obscuri-  
ores clari viri. Nec minùs enim est Spar-  
tíates Agesi-la-us ille perhibendus, qui neque  
pictam, neque fictam imaginem suam passus est  
esse, quàm qui in eo genere laborârunt: unus  
enim Xenophontis libellus in eo rege laudan-  
do facílẽ omnes imagines hominum statuásque

superavit. Atque hoc præstantius mihi fuerit, & ad letitiam animi, & ad memorie dignitatem, si in tua scripta pervenero, quàm si in cæterorum: quòd non ingenium mihi solum suppeditatum fuerit iuum, sicut Timoleonti à Timæo, aut ab Herodoto Themistocli; sed etiam autoritas clarissimi & spectatissimi viri, & in Reipub. maximis gravissimisque causis cogniti, atque imprimis probati: ut mihi non solum præconium, quod, cùm in Sigeum venisset, Alexander ab Homero Achilli tributum esse dixit; sed etiam grave testimonium imperitum clari hominis, magnique videatur. Placet enim Hector ille mihi Nævianus, qui non tantum laudari se letatur, sed addit etiam à laudato viro. Quod si à te non impetro, hoc est, si qua te res impederit (neque enim fas esse arbitror, quicquam me rogantem abs te non impetrare) cogar fortasse facere, quod nonnulli sæpe reprehendunt: scribam ipse de me; multorum tamen exemplo, & clarorum virorum. Sed, quod te non fugit, hæc sunt in hoc genere vitia: & verecundiùs ipsi de sese scribant necesse est, si quid est laudandum; & prætereant, si quid forte reprehendendum est. Accedit etiam, ut minor sit fides, minor autoritas; multi deniq; reprehendant, & dicant, verecundiores esse præcones ludorum gymnicorum; qui, cùm cæteris coronas imposuerunt victoribus, eorùmque nomina magnà voce pronuntiaverunt, cùm ipsi ante ludorum missionem coronâ donentur, alium præ-



conem adhibeant, nè suâ voce ipsi se victores esse prædicent. Hac nos vitare cupimus; & si recipis causam nostram, vitabimus: idque ut facias, rogamus. Ac nè fortè mirere, cur, cùm mihi sæpe ostenderis te accuratissimè nostrorum temporum consilia atque eventus literis mandaturum, à te id nunc tantopere & tam multis verbis petamus; illa nos cupiditas incendit, de qua initio scripsi, festinationis: quòd alacres animo sumus, ut & ceteri, viventibus nobis, ex libris tuis nos cognoscant, & nosmetipsi vivi gloriolâ nostrâ perfruamur. His de rebus quid acturus sis, si tibi non est molestum, rescribas mihi velim. Si enim suscipis causam, conficiam commentarios rerum omnium: sin autem differs me in tempus aliud, coràm tecum loquar. Tu interea non cessabis, & ea quæ habes instituta perpolies, nòsque diliges. Vale.

M. T. C. T. P. Attico S. ad Attic. 8. 3.

**M**aximis & miserrimis rebus perturbatus, cùm coràm tecum mihi potestas deliberandi non esset, uti tamen tuo consilio volui. Deliberatio autem omnis hæc est; si Pompeius Italiâ cedat (quod eum facturum esse suspicor) quid mihi agendum putes: &, quò facilius consilium dare possis, quid in utramque partem mihi in mentem veniat, explicabo brevè. Cùm merita Pompeii summa erga salutem meam, familiaritâsque quæ mihi cum eo est, tum ipsa Reipub. causa me adducit, ut mihi vel consilium meum cum illius consilio, vel  
fortuna

*fortuna conjungenda esse videatur. Accedit illud; si manco, & illum comitatum optimorum & clarissimorum civium desero, cadendum est in unius potestatem: qui etsi multis rebus significat se nobis esse amicum, & ut esset, à me est (tute scis) propter suspicionem hujus impendentis tempestatis multò antè provisum: tamen utrumque considerandum est, & quanta ei fides sit habenda; & si maximè exploratum sit eum nobis amicum fore, sítne viri fortis & boni civis, esse in ea urbe, in qua cum summis honoribus imperiisque usus sit, res maximas gesserit, sacerdotio sit amplissimo præditus, non futurus sit sui juris, subeundumque periculum sit cum aliquo fortè dedecore, si quando Pompeius Rempub. recuperaverit. In hac parte hæc sunt: vide nunc, quæ sint in altera. Nihil actum est à Pompeio nostro sapienter, nihil fortiter: adde etiam, nihil nisi contra consilium, autoritatémque meam. Omitto illa vetera, quòd istum in Rempub. ille alluit, auxit, armavit; ille legibus per vim, & contra auspicia ferendis autor; ille Gallie ulterioris adjunctor; ille gener; ille in adoptando P. Clodio augur; ille restituendi mei, quàm retinendi studiosior; ille provincie propagator; ille absentis in omnibus adjutor. Idem etiam tertio consulatu, postquam esse defensor Reipub. cœpit, contendit, ut decem Tr. Pl. ferrent, ut absentis ratio haberetur: quod idem ipse sanxit lege quadam suâ, Marcòque Marcello Consuli fimentì provincias Gallias*

Gallias Calend. Martii restitit. Sed ut hac  
omittam, quid fœdus, quid perturbatus hoc ab ur-  
be discessu, sive potius turpissimâ fugâ? quæ condi-  
tio non accipienda fuit potius, quam relinquenda  
patria? Male conditiones erant: fateor; sed  
nunquid hoc pejus? At recuperabit Rempubicam.  
Quando? aut quid ad eam spem est parati? Non  
ager Picenus amissus? non patefactum iter ad ur-  
bem? non pecunia omnis, & publica, & privata  
adversario tradita? Denique nulla causa, nullæ  
vires, nulla sedes, quò concurrant, qui Rempub.  
defensam velint. Apulia delecta est, inanissima pars  
Italia, & ab impetu hujus belli remotissima: fuga,  
& maritima opportunitas visa quari desperatio-  
ne. Invitè cepi Capuam, non quò munus illud de-  
fugerem, sed sine causa, in qua nullus esset ordi-  
num, nullus apertus privatorum dolor; bonorum  
autem esset aliquis, sed hebes, ut solet, & ut ipse  
sensissem: multitudo, & infimus quisque propensus  
in alteram partem, multi mutationis rerum cu-  
pidi. Dixi ipsi, me nihil suscepturum sine presidio  
& sine pecunia. Itaque habui nihil omnino nego-  
tii, quòd ab initio vidi nihil quari prater fugam.  
Eum si nunc sequar, quonam? cum illo non: ad  
quem cùm essem profecturus, cognovi in his locis  
esse Casarem, ut tutò Luceriam venire non possem.  
Infero mari nobis, incerto cursu, hyeme maximâ  
navigandum est. Age jam, cum fratre, an sine?  
cum filio, an quomodo? In utraque enim re  
sum-

*summa difficultas erit, summus animi dolor. Qui autem impetus illius erit in nos absentes, fortunasque nostras? Acrior, quàm in ceterorum; quòd putabit fortasse in nobis violandis aliquid se habere populare. Agè jam, has compedes, fascès (inquam) hos laureatos efferre ex Italia, quàm molestum est? qui autem locus erit nobis tutus, ut jam placatis utamur fluctibus, antequam ad illum venerimus? Quà autem, aut quò, nihil scimus. At si restituro, & fuerit nobis in hac parte locus; idem fecero, quod in Cinna dominatione Philippus, quod L. Flaccus, quod Quintus Mutius, quoquo modo ea res huic quidem cecidit, qui tamen ita dicere solebat, se id fore videre, quod factum est; sed hoc malle, quàm armatum ad patrie mœnia accedere. Aliter Thrasylbulus, & fortasse meliùs. Sed est certa quedam illa Mutii ratio, atque sententia; est illa etiam Philippi: & cum sit necesse, servire tempori; & non amittere tempus, cum sit datum. Sed in hoc ipso habent tamen iidem fascès molestiam. Sit enim nobis amicus, quod incertum est: sed sit; deferet triumphum: Non acciperene periculosum sit, an accipere invidiosum ad bonos? O rem (inquis) difficilem, & inexplicabilem! Atqui explicanda est. Qui enim fieri potest? Ac nè me existimâris ad manendum esse propensiozem, quòd plura in ea parte verba fecerim; potest fieri, quod sit in multis questionibus, ut res verbosior hac fuerit, illa verior.*

*Quam-*

*Quamobrem, ut maxima de re aequo animo deliberanti, ita mihi des consilium velim. Navis & in Cajeta est parata nobis, & Brundusii. Sed ecce nuntii, scribente me hac ipsa noctu in Caleno, ecce litera, Caesarem ad Corfinium. Domitium Corfinii cum firmo exercitu, & pugnare cupiente. Non puto etiam hoc Cneum nostrum commissurum, ut Domitium relinquat: etsi Brundisium Scipionem cum cohortibus duabus praemiserat; legionem à Fausto conscriptam, in Siciliam sibi placere à Consule duci, scripserat ad Consules. Sed turpe Domitium erit deferere, implorantem ejus auxilium. Est quaedam spes, mihi quidem non magna, sed in his locis firma, Afranium in Pirenaeo cum Trebonio pugnasse, pulsum Trebonium, etiam Fabium tuum transisse cum cohortibus: summa autem, Afranium cum magnis copiis adventare. Id si est, in Italia fortasse manebitur. Ego autem, cum esset incertum iter Caesaris, quod vel ad Capuam, vel ad Luceriam iturus putabatur, Leptam ad Pompeium misi, & literas: ipse, nè quò inciderem, reverti Formias. Hac te scire volui, scripsi que sedatiore animo quam proximè scripseram, nullum meum judicium interponens, sed exquirens tuum. Vale.*

M. T. C. Dolabellæ Conf. S. ad Attic. 14. 15.

**E***T si contentus eram (mi Dolabella) tuâ gloriâ, satisque ex ea magnam latitiam voluptatēque capiebam: tamen non possum non confiteri, cumu-*  
lari



lari me maximo gaudio, quòd vulgò hominum opinio socium me adscribat tuis laudibus. Neminem conveni (convenio autem quotidie plurimos: sunt enim permulti optimi viri, qui valetudinis causâ in hac loca veniunt: præterea ex municipiis frequentes necessarii mei) quin omnes, cùm te summis laudibus ad cœlum extulerunt, mihi continuo maximas gratias agant. Negant enim se dubitare, quin tu, meis præceptis & consiliis obtemperans, præstantissimum te civem, & singularem Cons. præbeas. Quibus ego quanquam verissimè possim respondere, te, quæ facias, tuo iudicio & tuâ sponte facere, nec cujusquam egere consilio: tamen neque planè assentior, nè imminuam tuam laudem, si omnis à meis consiliis profecta videatur: neque valde nego; sum enim avidior, etiam quàm satis est, gloriæ. Et tamen non alienum est à dignitate tua, quod ipsi Agamemnoni regum Regi fuit honestum, habere aliquem in consiliis capiendis Nestorem: mihi verò gloriosum, te juvenem Cons. florere laudibus, quasi alumnum disciplinæ meæ. L. quidem Caesar, cùm ad eum egrotum Neapolim venissem, quanquam erat oppressus totius corporis doloribus, tamen antequam me planè salutavit, O mi Cicero, inquit, gratulor tibi, cùm tantum vales apud Dolabellam, quantum si ego apud sororis filium valerem, jam salvum esse possemus. Dolabella verò tuo & gratulor, & gratias ago; quem quidem, post te Consulens, solum possum verè Consullem

lem dicere. Dein multa de facto, ac de re gestatum nihil magnificentius, nihil praeclarius actum unquam, nihil Reipub. salutaris; atque hac una vox omnium est. A te autem peto, ut me hanc quasi falsam hereditatem alienae gloriae sinas cernere, meque aliqua ex parte in societatem tuarum laudum venire patiari. Quanquam mihi Dolabella (hac enim jocatus sum) libentius omnes meas, si modo sint aliqua meae, laudes ad te transfuderim, quam aliquam partem exhausserim ex tuis. Nam cum te semper tantum dilexerim, quantum tu intelligere potuisti, tum his tuis factis sic incensus sum, ut nihil unquam in amore fuerit ardentius: nihil est enim (mihi crede) virtute formosius, nihil pulchrius, nihil amabilius. Semper amavi (ut scis) M. Brutum, propter ejus summum ingenium, suavissimos mores, singularem probitatem, atque constantiam: tamen Idibus Martiis tantum accessit ad amorem, ut mirarer locum fuisse agendi in eo, quod mihi jampridem cumulatam etiam videbatur. Quis erat qui putaret ad eum amorem, quem erga te habebam, posse aliquid accedere? Tantum accessit, ut mihi nunc denique amare videar, antea dilexisse. Quare quid est quod ego te hortor ut dignitati & gloriae servias? Proponam tibi claros viros, quod facere solent qui hortantur? Neminem habeo clariorem quam teipsum: te imitare oportet, tecum ipse certes: nec licet quidem tibi jam tantis rebus gestis non tui  
simi-

similem esse. Quod cùm ità sit, hortatio non est necessaria, gratulatione magis utendum est. Contigit enim tibi, quod haud scio an nemini, ut summa severitas animadversionis, non modò non invidiosa, sed etiam popularis esset, & cùm bonis omnibus, tum infimo cuique gratissima. Hoc si tibi fortunà quadam contigisset, gratularer felicitati tuæ: sed contigit magnitudine tum animi, tum etiam ingenii, atque consilii. Legi enim concionem tuam: nihil illà sapientius; ità pedetentim tum accessus à te ad causam facti, tum recessus, ut res ipsa maturitatem tibi animadvertendi omnium consensu daret. Liberasti igitur & urbem periculo, & civitatem metu. Neque solùm ad tempus maximam utilitatem attulisti, sed etiam ad exemplum. Quo facto intelligere debes, in te positam esse Remp. tibi que non modò tuendos, sed etiam ornandos illos viros, à quibus initium libertatis profectum est. Sed his de rebus coràm plura propediem, ut spero. Tu, quoniam Rempub. nòsque conservas, fac ut diligentissimè teipsum, mi Dolabella, custodias. Vale.

M. T. C. Bruto S. ad Brutum, Epist. 3.

**N**ostre res meliori loco videbantur: scripta enim ad te, certò scio, quæ gesta sunt. Quales tibi sepe scripsi, Consules tales extiterunt. Caesaris verò pueri mirifica indoles virtutis. Utinam tam facile eum florentem & honoribus & gratià regere ac tenere possimus, quàm facile adhuc tenuimus.

*trius. Est omnino illud difficilium : sed tamen non diffidimus. Persuasum est enim adolescenti, & maximè per me, ejus perà nos esse salvos. Et certè, nisi is Antonium ab urbe avertisset, periissent omnia. Triduo verò aut quatrIduo ante hanc rem pulcherrimam, timore quodam perculsa civitas tota ad te se cum conjugibus & liberis effundebat : eadem recreata ad 12. Cal. Maias te huc venire, quàm se ad te ire mallebat : quo quidem die magnorum meorum laborum, multarumque vigiliarum fructum cepi maximum, si modò est aliquis fructus ex solida veràque gloria. Nam tantæ multitudinis, quantum capit urbs nostra, concursus est ad me factus; ab ea cùm usque in Capitolium deductus, maximo clamore atque plausu in rostris collocatus sum. Nihil est in me inane, neque enim debet. Sed tamen omnium ordinum consensus, gratiarum actio, congratulatioque me commovet; propterea quòd, popularem me esse in populi salute, præclarum est. Sed hac te malo ab aliis audire. Me velim de tuis rebus consiliisq; facias diligentissimè certiore: Illudque consideres, nè tua liberalitas dissolutior videatur. Sic sentit Senatus, sic populus Romanus, nullos unquam hostes digniores omni supplicio fuisse, quàm eos cives, qui hoc bello contra patriam arma ceperunt : quos quidem ego omnibus sententiis ulciscor, & persequor, omnibus bonis approbantibus. Tu quid de hac re sentias, tui judicii est: ego sic sentio, trium*

fratrum unam & eandem esse causam. Consules duos, bonos quidem, sed duntaxat bonos, amisimus. Hircius quidem in ipsa victoriâ occidit, cùm paucis diebus magno praelio antè vicisset. Nam Pansa fugerat, vulneribus acceptis, quæ ferre non potuit. Reliquias hostium Brutus persequitur, & Cæsar. Hostes autem omnes iudicati, qui M. Antonii sectam secuti sunt. Itaque id senatusconsultum plerique interpretantur etiam ad tuos, sive captivos, sive dedititios, pertinere. Equidem nihil differui durius, cùm nominatim de C. Antonio decernerem, quòd ità statueram, à te cognoscere causam ejus Senatum oportere. 10. Calend. Maias.

M. Brutus M. T. C. S. D. ad Br. Epist. 4.

**Q**uantâ sim letitiâ affectus, cognitis rebus Bruti nostri & consulum, facilius est tibi existimare, quàm mihi scribere. Cùm alia laudo, & gaudeo accidisse, tum quòd Bruti eruptio non solum ipsi salutaris fuit, sed etiam maximo ad victoriam adjumento. Quòd scribis, trium Antoniorum unam atque eandem causam esse; quid ego sentiam, mei judicii esse: statuo nihil, nisi hoc; Senatus aut populi Romani iudicium esse de iis civibus qui pugnantes non interierint. At hoc ipsum, inquires, iniquè facis, qui hostilis animi in Rempub. homines cives appelles. Imò justissimè: quod enim nondum Senatus censuit, nec populus Romanus iussit, id arroganter non præjudico, neque revoco ad arbitrium meum. Illud quidem non muto, quod



quod ei, quem me occidere res non coegit, neque crudeliter quidquam eripui, neque dissolutè quidquam remisi, habuìque in mea potestate, quoad bellum fuit. Multò quidem honestius judico; magisq; quod concedere possit Respub. miserorum fortunam non insectari, quàm infinita tribuere potentibus, quæ cupiditatem & arrogantiam incendere possint. Quæ in re (Cicero, vir optime, ac fortissime, mihiq; meritò, & meo nomine, & Reip. charissime) nimis credere videris spei tuæ; statimque, ut quisque aliquid rectè fecerit, omnia dare ac permittere; quasi non liceat traduci ad mala consilia corruptum largitionibus animum. Quæ tuæ est humanitas, æquo animo te moneri patieris, præsertim de communi salute: facies tamen quod tibi visum fuerit: etiam ego, cùm me docueris. Nunc (Cicero) nunc agendum est, nè frustra oppressum esse Antonium gavisì simus, neu semper primi cujusque mali excidendi causa sit, ut aliud renascatur illo pejus. Nihil jam neque opinantibus aut patientibus nobis adversi evenire potest, in quo non cùm omnium culpa, tum præcipuè tua futura sit; cujus tantam auctoritatem Senatus ac populus Romanus non solum esse patitur, sed etiam cupit, quanta maxima in libera civitate unius esse potest: quam tu non solum bene sentiendo, sed etiam prudenter tueri debes. Prudentia porro, quæ tibi superest, nulla abs te desideratur, nisi modus in tribuendis honoribus. Alia omnia sic abundè adsunt, ut

cum quolibet antiquorum comparari possint tuæ virtutes. Unum hoc grato animo liberalique profectum, cautiorem ac moderatiorem liberalitatem desiderat. Nihil enim Senatus cuiquam dare debet, quod male cogitantibus exemplo, aut prasidio sit. Itaque timeo de consulatu, nè Caesar tuus altius se ascendisse putet decretis tuis, quàm inde, si consul factus sit, descensurum. Quòd si Antonius ab alio relictum regni instrumentum, occasionem regnandi habuit; quonam animo fore putas, si quis autore non tyranno interfecto, sed ipso Senatu patat se imperia qualibet concupiscere posse? Quare tum & facilitatem, & providentiam laudabo tuam, cùm exploratum habere cœpero, Casarem honoribus, quos acceperit, extraordinariis fore contentum. Aliene igitur, inquires, culpe me reum facies? prorsus aliena, si provideri potuit nè existeret: quòd utinam inspectare possis timorem de illo meum. His literis scriptis, te consulem factum audivimus. Tum verò incipiam proponere mihi Remp. justam, etiam suis nitentem viribus, si istuc videro. Filius valet, & in Macedoniam cum equitatu premissus est. Idib. Maiis, ex castris.

T. & C. Tyroni S. P. D. Fam. 16. 9.

**N**Os à te, ut scis, discessimus ad quartum Nonas, Novemb. Lencadem venimus ad octavum Id. Novemb. ad septimum, Actium: ubi propter tempestatem ad sextum Idus morati sumus. Indè ad quintum Idus Corcyram bellissime navigavi-

gavimus. Corcyra fuimus usque ad decimum sextum Calend. Decemb. tempestatibus retenti. Ad 15. Cal. Decemb. à portu Corcyraeorum, ad Casiopem stadia 120 processimus. Ibi retenti ventis fuimus usque ad nonum Calend. Interea, qui cupide profecti sunt, multi naufragia fecerunt. Nos eo die cœnati solvimus. Indè Austro lenissimo, cœlo sereno, nocte illà & die postero, in Italiam ad Hydruntem ludibundi pervenimus: eodémque vento postridie (id erat ad septimum Calend. Decemb.) horà quartâ Brundusium venimus: eodémque tempore simul nobiscum in oppidum introit Terentia, quæ te facit plurimi. Ad quintum Calend. Decemb. servus Cnei Planci Brundusii tandem aliquando mihi à te expectatissimas literas reddidit, datas Idibus Novemb. quæ me molestiâ valde levârunt; utinam omnino liberâssent. Sed tamen Asclapo medicus planè confirmat, propediem te valentem fore. Nunc quidem ego te hortor, ut omnem diligentiam adhibeas ad convalescendum: Tuam prudentiam, temperantiam, amorem erga me novi: scio te omnia facturum, ut nobiscum quamprimum sis: sed tamen ità velim, ut nè quid properes. Symphoniam Lysonis velim vitâsses, nè in quartam hebdomadam incideres. Sed quando pudori tuo maluisti obsequi quàm valetudini, reliqua cura. Curio misi, ut medico honos haberetur, & tibi daret quod opus esset: me, cui jussisset, curaturum. Equum & mulum Brundusii tibi re-

liqui. Roma vereor nè ex Calend. Januar. magni tumultus sint. Nos agemus omnia modicè. Reliquum est, ut te hoc rogem, & à te petam, nè temere naviges. Solent nauta festinare quæstus sui causâ. Cantus sis, mi Tyro. Mare magnum & difficile tibi restat. Si poteris, cum Mescinio (cantè is solet navigare) si minùs, cum honesto aliquo homine, cujus autoritate navicularius moveatur. In hoc omnem diligentiam si adhibueris, téque nobis incolumem præstiteris, omnia à te habebo. Etiam atque etiam, noster Tyro, vale. Medico, Curio, Lysoni de te scripsi diligentissimè. Vale, & salve.

Libri tertii finis.

---

## LIBER QUARTUS.

M. T. C. Servio Sulpitio S. P. D. Fam.

lib. 13. Ep. 17.

**M**Arcus Curius, qui Patris negotiatur, multis & magnis de causis à me diligitur. Nam & amicitia pervetus mihi cum eo est, ut primùm in forum veni, instituta; & Patris cum aliquoties antea, tum proximè hoc miserrimo bello, domus ejus tota mihi patuit: quâ, si opus fuisset, tam essem usus quàm meâ. Maximum autem mihi vinculum cum eo est, quasi sanctioris

Elitoris cujusdam necessitudinis, quòd est Attici nostri familiarissimus, eúmque uxum præter ceteros observat ac diligit. Quem si tu jam fortè cognovisti, puto me hoc, quod facio, facere seriùs. Eà enim est humanitate & observantiâ, ut eum tibi jam ipsum per se commendatum putem. Quod tamen si ità est, magnopere à te quaeso, ut ad eam voluntatem, si quam in illum ante has meas literas contulisti, quam maximus postea commendatione nostrâ cumulus accedat. Sin autem propter verecundiam suam minùs se tibi obtulit, aut eum nondum satis habes cognitum, aut quæ causa est cur majoris commendationis indigeat; sic tibi eum commendo, ut neque majore studio quenquam, neque justioribus de causis commendare possim. Faciámque id, quod debent facere ii, qui religiosè & sine ambitione commendant. Spondebo enim tibi, vel potiùs spondeo, in mèque recipio, eos esse M. Curii mores, eámque tum probitatem, tum etiam humanitatem, ut eum & amicitia tuâ, & tam accuratâ commendatione, si tibi sit cognitus, dignum sis existimaturus. Mihi certè gratissimum feceris, si intellexero has literas tantum, quantum scribens confidebam, apud te pondus habuisse. Vale.

M. T. Cicero Q. Thermo Prop. S. P. D. Fam. 13.

Epist. 57.

**Q**uòd magis quotidie ex literis nuntiisq; bellum magnum esse in Syria cognosco, eò vehementiùs à te pro nostra necessitudine contendo, ut



*mibi M. Anneium legatum primo quoque tempore remittas. Nam ejus operâ, consilio, scientiâ rei militaris, vel maximè intelligo, me & Remp. adjuvari posse. Quod nisi tanta res ejus ageretur, nec ipse adduci potuisset ut à me discederet; neque ego, ut cum à me dimitterem. Ego in Ciliciam proficisci cogito circiter Calend. Maii. Ante eam diem Anneius ad me redeat oportet. Illud quod tecum & coràm & per literas diligentissimè egi, id te nunc etiam atque etiam rogo, cura tibi sit, ut suum negotium quod habet cum populo Sardiniano, pro causa veritate, & pro sua dignitate conficiat. Intellexi ex tua oratione, cùm tecum Ephesi locutus sum, te ipsius M. Anneii causâ omnia velle. Sed tamen sic velim existimes, te mihi nihil gratius facere posse, quàm si intellexero per te illum ipsum negotium ex sententia confecisse. Idq̃, quamprimum ut efficias te etiam atque etiam rogo. Vale.*

M. T. C. P. Silio Proc. S. D. Fam. 13. 63.

**N**on putavi fieri posse ut mihi verba deessent; sed tamen in C. Lenio commendando desunt. Itaque rem tibi exponam paucis verbis: sed tamen ut planè perspicere possis voluntatem meam. Incredible est, quanti faciamus & ego & frater meus, qui mihi charissimus est, C. Lanium. Id fit cùm plurimis ejus officiis, tum summâ ejus probitate & singulari modestiâ. Eum ego à me invitis-  
simus dimisi, cùm propter familiaritatem, & consuetudinis suavitatem; tum quòd consilio ejus fi-  
deli

*deli ac etiam bono libenter utebar. Sed vereor nè jam mihi superesse verba putes, qua dixeram de futura. Commendo tibi hominem, sicut intelligis me, de quo ea suprà scripserim, debere commendare. Atque vehementer etiam atque etiam peto, ut, quod habet in tua provincia negotii, expedias; quod tibi videbitur rectum esse, ipsi dicas. Hominem facillimum, liberalissimumque cognosces. Itaque te rogo ut eum solutum, liberum, confectis ejus negotiis per te, quamprimum ad me remittas. Id mihi fratrique meo gratissimum feceris. Vale.*

M. T. C. Terentia, Tullia, Q. Frater & Q. Filius  
Tyroni S. P. D. Fam. lib. 16. Epist. 11.

**E***tsi opportunitatem opera tue omnibus locis desidero, tamen non tam meâ, quàm tuâ causâ doleo, te non valere. Sed quando in quartanam conversa est vis morbi (sic enim scribit Curius) spero te, diligentia adhibitâ, etiam firmiorem fore. Modò fac id quod humanitatis tue est, nè quid aliud cures hoc tempore, nisi ut quàm commodissime convalescas. Non ignora quantum ex desiderio labores; sed erunt omnia facilia, si valebis. Festinare te nolo, nè nausea molestiam suscipias ager, & periculosè hyeme naviges. Ego ad urbem accessi prid. Non. Januar. obviam mihi sic est proditum, ut nihil fieri potuerit honoratius. Sed incidi in ipsam flammam civilis discordia, vel potius bellicuicùm cuperem mederi, & ut arbitror, possem; cupiditates certorum hominum (nam ex utraque parte*

parte sunt, qui pugnare cupiant) impedimento mihi fuerunt. Omnino & ipse Caesar, amicus noster, minaces ad Senatum, & acerbis literas miserat; & erat adhuc impudens, qui exercitum & provinciam invito Senatu teneret; & Curio meus illum incitabat. Antonius quidem noster & Qu. Cassius, nullâ vi expulsi, ad Casarem cum Curione profecti erant. Posteaquam Senatus Consulibus, praetoribus, tribunis plebis, & nobis (qui proconsules sumus) negotium dederat, ut curaremus nè quid Respub. detrimenti caperet; nunquam majore in periculo civitas fuit, nunquam improbi cives habuerunt paratiorem ducem. Omnino ex hac quoque parte diligentissimè comparatur. Id fit auctoritate & studio Pompeii nostri, qui Casarem serò coepit timere. Nobis inter has turbas Senatus tamen frequens flagitavit triumphum: sed Lentulus Consul, quò magis suum beneficium faceret, simul atque expedisset, quæ essent necessaria de Repub. dixit se relaturum. Nos agimus nihil cupidè, eoque est nostra pluris auctoritas. Italiae regiones descriptæ sunt, quam quisque partem tueretur: nos Capuam sumpsimus. Hac te scire volui. Tu etiam atque etiam cura ut valeas, literasque ad me mittas, quotiescunque habebis cui des. Etiam atque etiam vale. Dat. pridie Idus Januar.

M.T.C. Cn. Pomp. Proc. S. ad Attic. 8. Epist. 15.

**C**um ad te literas misissem, quæ tibi Canussi  
 Credite sunt, suspensionem nullam habebam, re  
 Reip.

Reip. causâ mare transiturum: erâmq; in spe magna, fore, ut in Italia possemus aut concordiam constituere (quâ mihi nihil utilius videbatur) aut Remp. summa cum dignitate defendere. Interim nondum meis literis ad te perlatis, ex iis mandatis, quæ Dialio ad consules dederas, certior tui consilii factus, non expectavi dum mihi à te literæ redderentur: confestimque cum Qu. fratre & cum liberis nostris iter ad te in Apuliam facere cœpi. Cùm Theanum Sidicinum venissem, C. Messius familiaris tuus mihi dixit, aliique complures, Casarem iter habere Capuam, & eo ipso die mansurum esse Asernia. Sanè sum commotus, quòd, si ita esset, non modò iter meum interclusum, sed me ipsum planè exceptum putabam. Itaque tum Cales processi, ut ibi potissimùm consisterem, dum certum nobis ab Asernia de eo, quod audieram, referretur. At mihi, cùm Calibus essem, offertur literarum tuarum exemplum, quas tu ad Lentulum Consullem misisses. Hæ scriptæ sic erant; literas tibi à L. Domitio ad 13. Calend. Mar. allatas esse; earumq; exemplum subscriperas: magnique interesse Reip. scriperas, omnes copias primo quoq; tempore in unum locum convenire, & ut, presidii quod satis esset, Capuæ relinqueres. His ergò literis lectis, in eadem opinione fui quâ reliqui omnes, te cum omnibus copiis ad Corfinium esse venturum; quò mihi, cùm Caesar ad oppidum castra haberet, tutũ iter esse non arbitrabar. Cùm res in summa expectatione esset, utrumq;

finis

*simul audivimus, & quæ Corfinii acta essent, & te iter Brundisium facere cœpisse. Cùmque nec mihi nec fratri meo dubium esset, quin Brundisium contenderemus; à multis, qui è Samnio Apuliâque veniebant, admoniti sumus ut caveremus nè exciperemur à Casare, quòd is in eadem loca, quæ nos petebamus, profectus, celerius etiam, quàm nos possemus, eò quò intenderat venturus esset. Quod cùm ità esset, nec mihi, nec fratri meo, nec cuiquam amicorum placuit committere, ut temeritas nostra non solum nobis, sed etiam Reip. noceret: cùm præsertim non dubitaremus, quin si etiam tutum nobis iter fuisset, te tamen jam consequi non possemus. Interim accepimus tuas literas, Canusio ad 10. Calend. Martii datas, quibus nos hortaris ut celerius Brundisium veniamus: quas cùm accepissemus ad 3. Calend. Mart. non dubitamus, quin tu jam Brundisium pervenisses; nobisque iter illud omnino interclusum videbatur, neque minùs nos esse captos, quàm qui Corfinium venissent. Neque enim eos solos arbitrabamur capi, qui in armorum manus incidissent; sed eos nihilominus, qui regionibus exclusi, intra præsidia, atque intra arma aliena venissent. Quod cùm ità sit, maximè vellem primùm tecum semper fuisse; quod quidem tibi ostenderam, cùm à me Capuam rejiciebam. Quod feci non vitandi oneris causâ, sed quòd videbam teneri illam urbem sine exercitu non posse: accidere autem mihi nolebam, quod doleo viris*

*for-*



fortissimis accidisse. Quoniam autem tecum ut essem non contigit, utinam tui consilii certior factus essem: nam suspicione assequi non potui, quod omnia prius arbitratus sum fore, quàm ut hac Reip. causa in Italia non posset, duce te, consistere. Neque verò nunc consilium tuum reprehendo, sed fortunam Reipub. lugeo: nec si ego quid tu sis secutus non perspicio, idcirco minus existimo te nihil nisi summà ratione fecisse. Mea quæ semper fuerit sententia, primùm de pace vel iniquâ conditione retinendâ, deinde de urbe (nam de Italia quidem nihil mihi unquam ostenderas) meminisse te arbitror. Sed mihi non sumo, ut meum consilium valere debuerit: secutus sum tuum: neque id Reip. causâ, de qua desperavi, quæ & nunc afflictâ est, nec excitari sine civili perniciosissimo bello potest: sed te querebam; tecum esse cupiebam: neque ejus rei facultatem, si qua erit, pratermittam. Ego me in hac omni causa facile intelligebam pugnandi cupidis hominibus non satisfacere. Primùm enim præ me tuli, me nihil malle, quàm pacem: non quin eadem timerem, quæ illi; sed ea bello civili leviora ducebam. Indè suscepto bello, cùm pacis conditiones ad te afferri, à teque ad eas honorificè & largè responderi viderim, duxi meam rationem, quam tibi facile me probaturum, pro tuo in me beneficio, arbitrabar. Memineram me esse unum, qui pro meis maximis in Remp. meritis supplicia miserrima & crudelissima pertulissem: me esse

esse unum, qui si offendiſſem ejus animum, cui tam; cum jam in armis eſſemus, conſulatus tamén alter, & triumphus ampliffimus deferébatur, ſubjicerer eiſdem praliis; ut mea perſona ſemper ad improborum civium impetus aliquid videretur habere populare. Atque hæc non ego prius ſum ſuſpicatus, quàm mihi palàm denuntiata ſunt: neque ea tam pertimui, ſi ſubcunda eſſent, quàm declinanda putavi, ſi honeſtè vitare poſſem. Quoniam brevem illius temporis, dum in ſpe pax fuit, rationem noſtram vides: reliqui facultatem res ademit. Iis autem quibus non ſatisfacio, facilè reſpondeo: neque enim ego amicior C. Cæſari unquam fui, quàm illi; neque illi amiciores Reip. quàm ego. Hoc inter me & illos intereſt, quòd, cum & illi cives optimi ſint, & ego ab iſta laude non abſim, ego conditionibus (quod idem te intellexeram velle) illi armis diſceptari maluerunt: quæ quoniam ratio vicit, perficiam proſectò, ut neque Reſpub. civis à me animum, neque tu amici deſideres.

Cn. Pomp. Marcello & L. Lentulo Conf. S. D.

ad Attic. 8. 17.

**E**Go, quòd exiſtimabam diſperſos nos, neque Reip. utiles, neque nobis præſidio eſſe poſſe, idcirco ad L. Domitium literas miſi: primùm ut ipſe cum omni copia ad nos veniret; ſi de ſe dubitaret, ut cohortes 19. quæ ex Piceno ad me iter habebant, ad nos mitteret. Quod veritus ſum, factum eſt, ut Domitius implicaretur, neque ipſe ſatis firmus eſſet  
ad

ad castra facienda, quod meas 19. & suas 12. cohortes tribus in oppidis distributas haberet (nam partim Albae, partim Sulmone collocavit) neque, si vellet, expedire posset. Nunc scitote me esse in summa solitudine: nam & tot & tales viros periculo obsidionis liberare cupio: neque subsidio ire possum, quod his duabus legionibus non puto esse committendum, ut illuc ducantur. Ex quibus tamen non amplius 14. cohortes contrahere potui, quas Brundisium misi; neque Canusium sine praesidio, dum abessem, putavi esse dimittendum. Dialis mandaram, quod majores copias sperabam nos habituros, ut, si vobis videretur, alteruter vestrum ad me veniret; alter in Siciliam, cum ea copia quam Capuae & circum Capuam comparastis, & cum iis militibus quos Faustus legit, profisceretur; Domitius cum 12. suis cohortibus eodem adjungeretur, reliqua copia omnes Brundisium cogerentur, & inde navibus Dyrrachium transportarentur. Nunc cum hoc tempore nihilo magis ego, quam vos, subsidio Domitio ire possim, seu per montes explicare, non est nobis committendum, ut ad has 14. cohortes, quas dubio animo habeo, hostis accedere, aut in itinere me consequi possit. Quamobrem placitum est mihi (etiam video C. Marcello, & ceteris nostri ordinis, qui hic sunt) ut Brundisium ducerem hanc copiam, quam ego mecum habeo. Vos hortor, ut, quodcumque militum contrahere poteritis, contrahatis, & eodem Brundisium veniat

veniat is quamprimum. Arma quæ ad me missuræ eratis, iis censeo armetis milites, quos vobiscum habetis; quæ arma superabunt, ea si Brundisium jumentis deportaveritis, vehementer Reip. profueritis. De hac re vellem nostros certiores faceretis. Ego ad P. Lupum & C. Coponium praetores misi, ut se nobis conjungerent, & militum quod haberent ad nos diducerent. Valete.

M. T. C. Mario S. D. Fam. lib. 7. Epist. 3.

**P**ersape mihi cogitanti de communibus miseriis, in quibus tot annos versamur, & (ut video) versabimur, solet in mentem venire illius temporis, quo proximè fuimus unâ: quinetiam ipsum diem memoriâ teneo. Nam ad tertium Id. Maias, Lentulo & Marcello Consulibus, cùm in Pompeianum vesperi venissem, tu mihi sollicito animo præstò fuisti. Sollicitum autem te habebat cogitatio tum officii, tum etiam periculi mei. Si manerem in Italia, verebare nè officio deessem: si proficiscerer ad bellum, periculum te meum commovebat. Quo tempore vidisti profectò me quoque ita conturbatum, ut non explicarem quid esset optimum factu: pudori tamen malui, famæq; cedere, quàm salutis meæ rationem ducere. Cujus me mei facti pœnituit, non tam propter periculum meum, quàm propter vitia multa, quæ ibi offendi quòd veneram. Primùm, neque magnas copias, neque bellicosas: deinde, extra ducem, paucosque præterea (de principibus loquor) reliqui primùm in ipso bello

bello rapaces; deinde in oratione ita crudeles, ut  
 ipsam victoriam horrerem: maximum autem as  
 alienum amplissimorum virorum. Quid queris?  
 Nihil boni, prater causam. Qua cum vidissem,  
 desperans victoriam, primum cœpi suadere pacem;  
 cujus fueram semper autor; deinde cum ab ea  
 sententia Pompeius valde abhorreret, suadere  
 institui ut bellum duceret. Hoc interdum proba-  
 bat, & in ea sententia videbatur fore, & fuisset  
 fortasse, nisi quadam ex pugna cœpisset suis mili-  
 tibus confidere. Ex eo tempore vir ille summus;  
 nullus imperator fuit. Signa tyrone & collectio  
 exercitu cum legionibus robustissimis contulit:  
 victus turpissimè, amissis etiam castris, solus fu-  
 git. Hunc ego belli mihi finem feci: nec putavi, cum  
 integri pares non fuisset, fractos superiores fo-  
 re. Discessi ab eo bello, in quo aut in acie cadendum  
 fuit, aut in aliquas insidias incidendum, aut deve-  
 niendum in victoris manus, aut ad subam confu-  
 giendum, aut capiendus tanquam exilio locus, aut  
 consciscenda mors voluntaria. Certè nihil fuit  
 praterea, si te victori nolles aut non auderes com-  
 mittere. Ex omnibus autem iis quæ dixi incom-  
 modis, nihil tolerabilius exilio, præsertim innocen-  
 ti, ubi nulla adjuncta est turpitudine: addo etiam,  
 cum eâ urbe careas, in qua nihil sit quod videre  
 possis sine dolore. Ego cum meis (si quicquam nunc  
 ejuspiam est) etiam in meis esse malui. Quæ ac-  
 tiderunt, omnia dixi esse futura. Veni domum, non  
 quod



quòd optima vivendi conditio esset: sed tamen, si esset aliqua forma Reipub. tanquam in patria ut essem; si nulla, tanquam in exilio. Mortem mihi cur consciscerem, causa nulla visa est; cur optarem, multa. Vetus est enim, Ubi non sis qui fueris, non esse cur velis vivere. Sed tamen vacare culpâ magnum est solatium: praesertim cum habeam duas res, quibus me sustentem; optimarum artium scientiam, & maximarum rerum gloriam: quarum altera mihi vivo nunquam eripietur; altera nè mortuo quidem. Hac ad te scripsi verbosius, & tibi molestus fui, quòd te cum mei, tum Reip. cognovi amantiissimum. Notum tibi omne consilium meum esse volui, ut primum scires, me nunquam voluisse plus quenquam posse, quàm universam Remp. postea autem quàm alicujus culpâ tantum valeret unus, ut obsisti non posset, me voluisse pacem: amisso exercitu, & eo duce in quo spes fuerat uno, me voluisse etiam, reliquis omnibus postquam non potuerim, mihi ipsi finem fecisse belli: nunc autem, si haec civitas est, civem esse me; si non, exulem esse non incommodiore loco, quàm si me Rhodum, aut Mitylenas contulissem. Hac tecum coràm malueram; sed quia longius fiebat, volui per literas eadem; ut haberes quid diceres, si quando in vituperatores meos incidisses. Sunt enim, qui, cum meus interitus nihil fuerit Reipub. profuturus, criminis loco putent esse quòd vivam. Quibus ego certò scio non videri satis multos perisse: qui si me audissent,

*disſent, quamvis iniquâ pace, honeſtè tamen vive-  
rent: armis enim inferiores, non cauſâ fuiſſent. Ha-  
bes epistolam verbosiorẽ fortasse quàm velles: quod  
tibi ita videri putabo, nisi mihi longiorẽ remiseris.  
Ego, si qua volo expediero, brevi tempore te (ut  
ſpero) videbo. Vale.*

M. T. C. Marcello S. D. Fam. lib. 4. Epist. 7.

**E***T si eo te adhuc consilio usum intelligo, ut id  
reprehendere non audeam, non quin ab eo ipse  
dissentiam, sed quod eâ te sapientiâ esse judicem,  
ut meum consilium non anteponam tuo: tamen &  
amicitiæ nostræ vetustas, & tua summa erga me  
benevolentia, quæ mihi jam à pueritia tua cogni-  
ta est, me hortata est, ut ea scriberem ad te, quæ  
& salutis tuæ conducere arbitrarer; & non aliena  
esse ducerem à dignitate. Ego eum te esse, qui ho-  
rum malorum initia multò antè videris, qui con-  
sulatum magnificentissimè atque optimè gesseris,  
præclare memini: sed idem etiam illa vidi, neque  
te consilium civilis belli ita gerendi, neque copias  
Cn. Pompeii, nec genus exercitus probare, sem-  
perque summè diffidere. Quæ in sententia me  
quoque fuisse memoriâ tenere te arbitror: Itaque  
neque tu multum interfuisti rebus gerendis; &  
ego id semper egi, nè interessẽm. Non enim iis rebus  
pugnabamus, quibus valere poteramus, consilio,  
autoritate, cauſâ, quæ erant in nobis superiora:  
sed lacertis & viribus, quibus pares non eramus.  
Victi sumus igitur, aut, si vinci dignitas non potest,*

fracti certè & abjecti. In quo tuum consilium nemo potest non maximè laudare, quòd cum spe vincendi simul abjecisti certandi etiam cupiditatem; ostendistique sapientem & bonum civem initia belli civilis invitum suscipere, extrema non libenter persequi. Qui non idem consilium, quod tu, secuti sunt, eos video in duo genera esse distractos. Aut enim renovare bellum conati sunt, hique se in Africam contulerunt; aut, quemadmodum nos, victori sese crediderunt. Medium quoddam tuum consilium fuit, qui hoc fortasse humilis animi duceres, illud pertinacis. Fateor à plerisque, vel dicam ab omnibus, sapiens tuum consilium; à multis etiam magni ac fortis animi iudicatum: sed habet ista ratio (ut mihi quidem videtur) quendam modum; præsertim cùm tibi nihil deesse arbitrer ad tuas fortunas omnes obtinendas, præter voluntatem. Sic enim intellexi, nihil aliud esse quod dubitationem afferret ei penes quem est potestas, nisi quòd vereretur nè tu illud beneficium omnino non putares. De quo quid sentiam, nihil attinet dicere, cùm appareat, ipse quid fecerim. Sed tamen si jam ita constituisses, ut abesse perpetuò mallets, quàm ea quæ nolles, videre: tamen id cogitare deberes, ubicunque esses, te fore in ejus ipsius, quem fugeres, potestate. Qui si facile passurus esset, te carentem patriâ & fortunis tuis, quietè & liberè viveret: cogitandum tibi tamen esset, Romane & domi tuæ cujusmodi res esset, an Mitylenis aut Rhodi mallet

*malles vivere. Sed cum ita late pateat ejus potestas, quem veremur, ut terrarum orbem complexa sit; nonne mavis sine periculo domi tue esse, quam cum periculo alienae? Equidem etiam si oppetenda mors esset, domi atque in patria malle, quam in externis atque alienis locis. Hoc idem omnes, qui te diligunt, sentiunt; quorum est magna, pro tuis maximis clarissimisque virtutibus, multitudo. Habemus etiam rationem rei familiaris tuae, quam dissipari nolumus. Nam etsi nullam potest accipere injuriam, quae futura perpetua sit; propterea quod neque is qui tenet Rempub. pateretur, neque ipsa Respub. tamen impetum praedonum in tuas fortunas fieri nolo. Ii autem qui essent, auderem scribere, nisi te intelligere confiderem. Hoc pro te unius sollicitudines, unius etiam multae & assidue lacrymae C. Marcelli, fratris optimi, deprecantur: nos cura & dolore proximi sumus, precibus tardiores, quod jus adeundi, cum ipsi deprecatore eguerimus, non habemus. Gratiâ tantum possumus, quantum victi. Sed tamen consilio, studio, Marcello non desumus: à tuis reliquis non adhibemur: ad omnia parati sumus.*

M. Marcellus M. Cic. S. D. Fam. lib. 4. Epist. 11.

**P**urimum valuisse apud me tuam semper auctoritatem, cum in omni re, tum in hoc maxime negotio, potes existimare. Cum mihi C. Marcellus frater amantissimus mei, non solum consilium daret, sed precibus quoque me obsecraret; non

prius mihi persuadere potuit, quam tuis est effectum literis, ut uterer vestro potissimum consilio. Res quemadmodum sit acta, vestra litera mihi declarant. Gratulatio tua etsi est mihi probatissima, quod ab optimo sit animo; tamen hoc mihi multo jucundius est, & gratius, quod in summa paucitate amicorum, propinquorum, ac necessariorum, qui verè mea saluti fauerent, te cupidissimum mei, singularémque mihi benevolentiam praestitisse cognovi. Reliqua sunt ejusmodi, quibus ego, quoniam haec erant tempora, facile & equo animo carebam. Hoc verò ejusmodi esse statuo, ut sine talium virorum & amicorum benevolentia, neque in adversa, neque in secunda fortuna quispiam vivere possit. Itaque hoc ego mihi gratulor. Tu verò ut intelligas homini amicissimo te tribuisse officium, re tibi præstabo. Vale.

Servius Sulpitius M. C. S. D. Fam. 4. Epist. 12.

**E**T si scio non jucundissimum nuntium me vobis allaturum, tamen, quoniam casus & natura in bonis dominantur, vitum est faciendum, quoquo modo res se haberet, vos certiores ut facerem. Ad v. Cal. Junii, cum ab Epidauro Piræum navi advectus essem, ibi Marcellum collegam nostrum conveni, eumque diem ibi consumpsi, ut cum eo essem. Postero die, cum ab eo digressus essem eo consilio, ut ab Athenis in Bæotiam irem, reliquámque jurisdictionem absolverem: ille, uti aiebat, supra Maleas Italiam versus navigaturus erat.



erat. Postridie ejus diei, cùm ab Athenis proficisci in animo haberem, circiter horam decimam noctis Posthumius familiaris ejus ad me venit, & mihi nuntiavit, M. Marcellum collegam nostrum, post cœna tempus, à P. Magio Chilone, familiari ejus, pugione percussus esse, & duo vulnera accepisse; unum in stomacho, alterum in capite secundum aurem; sperare tamen eum vivere posse: Magium se ipsum interfecisse: postea se à Marcello ad me missum esse, qui hæc nuntiaret, & rogaret uti cogerem medicos. Coëgi, & è vestigio eodum sum profectus primâ luce. Cùm non longè à Piræo abessem, puer Acidini obviam mihi venit cum codicillis, in quibus erat scriptum paulò ante lucem Marcellum diem suum obiisse. Ità vir clarissimus ab homine teterrimo acerbissimâ morte est affectus: & cui inimici propter dignitatem perpercerant, inventus est amicus qui ei mortem afferret. Ego tamen ad tabernaculum ejus perrexi: inveni duos liberos, & pauculos servos: reliquos aiebant profugisse, metu perterritos, quòd dominus eorum ante tabernaculum interfectus esset. Coactus sum in eadem illa lectica, quâ ipse delatus eram, meisque lecticariis in urbem eum referre: ibique pro ea copia, quæ Athenis erat, funus ei satis amplum faciendum curavi. Ab Atheniensibus, locum sepultura intra urbem ut darent, impetrare non potui; quòd religione se impediri dicerent: neque tamen id antea cuiquam concesserant. Quod

proximum fuit, uti in quo vellemus gymnasio eum sepeliremus, nobis permiserunt. Nos in nobilissimo orbis terrarum gymnasio Academia locum delegimus: ibique eum combussimus; posteaque curavimus, ut iidem Athenienses in eodem loco monumentum ei marmoreum faciendum locarent. Ità, quæ nostra officia fuerunt, pro collegio & propinquitate, & vivo & mortuo omnia ei præstitimus. Vale. Datæ prid. Calend. Jun. Athenis.

M. T. C. Q. Ligario S. D. Fam. 6. 13.

**E**tsi tali tuo tempore me aut consolandi aut iuvandi tui causâ scribere ad te aliquid pro nostra amicitia oportebat: tamen adhuc id non feci, quia neque lenire videbar oratione, neque levare posse dolorem tuum. Postea verò quàm magnam spem habere cœpi, fore, ut te brevi tempore incolumem haberemus, facere non potui, quin tibi & sententiam & voluntatem declararem meam. Primum igitur scribam quod intelligo & perspicio, non fore in te Casarem duriorē. Nam & res eam quotidie, & dies, & opinio hominum, &, ut mihi videtur, etiam sua natura mitiorem facit: idque cùm de reliquis sentio, tum de te etiam audio ex familiarissimis eius: quibus ego ex eo tempore, quo primum ex Africa nuntius venit, supplicare unâ cum fratribus tuis non destiti: quorum quidem & virtus, & pietas, & amor in te singularis, & assidua & perpetua salutis tuæ cura tantum proficit, ut nihil sit, quod non ipsum Casarem tributu-

*rum existimem. Etsi tardiùs sit quàm volumus: magnis occupationibus ejus, à quo omnia petuntur, aditus ad eum difficiliore fuerunt: & simul Africana cause iratior, diutiùs velle videtur eos habere sollicitos, à quibus se putat diuturnioribus esse molestiis conflictatum. Sed hoc ipsum intelligimus eum quotidie remissiùs & placatiùs ferre.*

*Quare mihi crede, & memoria manda, me tibi id affirmasse, te in istis molestiis diutiùs non futurum.*

*Quando quid sentirem exposui; quid velim tuâ causâ, re potiùs declarabo, quàm oratione. Et si tantum possem, quantum in ea Repub. de qua itâ meritus sum, ut tu existimas, posse debebam; nè tu quidem in istis incommodis esses. Eadem enim causa opes meas fregit, quæ tuam salutem in discrimen adduxit. Sed tamen quicquid imago veteris mea dignitatis, quicquid reliquæ gratiæ valebunt; studium, consilium, opera, gratia, fides mea nullo loco deerit tuis optimis fratribus. Tu fac habeas fortem animum, quem semper habuisti: primùm ob eas causas, quas scripsi; deinde, quòd ea de Repub. semper voluisti, atque sensisti, ut non modò nunc secunda sperare debeas, sed etiam, si omnia adversa essent, tamen conscientia & factorum & consiliorum tuorum, quæcunque acciderent, fortissimo & maximo animo ferre deberes. Vale.*

M. T. C. Q. Ligario S. D. Fam. 6. 14.

**M**E scito omnem meum laborem, omnem operam, curam, studium, in tua salute consumere.

re. Nam cum te semper maximè dilexi, tum fratrum tuorum (quos aequè atque te summà benevolentia sum complexus) singularis pietas, amorque fraternus nullum me patitur officii erga te, studiūq; munus aut tempus pratermittere. Sed quæ faciam fecerimq; pro te, ex illorum te literis, quàm ex meis malo cognoscere. Quid autem sperem, aut confidam, & exploratum habeam de salute tua, id tibi à me declarari volo. Nam si quisquam est timidus in magnis periculosissq; rebus, semperque magis adversos rerum exitus metuens, quàm sperans secundos, is ego sum: & si hoc vitium est, eo me non carere confiteor. Ego idem tamen, cum ad 6. Calend. intercalares priores, rogatu fratrum tuorum venissem manè ad Cæsarem, atque omnem adeundi & conveniendi illius indignitatem & molestiam pertulissem: cum fratres & propinqui tui jacerent ad pedes, & ego essem locutus, quæ causa, quæ tempus tum postulabat: non solum ex oratione Cæsaris, quæ sanè mollis & liberalis fuit; sed etiam ex oculis, & vultu, & multis præterea signis, quæ facilius perspicere potui quàm scribere, hanc in opinionem discessi, ut mihi tua salus dubia non esset. Quamobrem fac animo magno fortique sis; & si turbidissima sapienter ferebas, tranquilliora latè feras. Ego tamen tuis rebus sic adero, ut difficillimis: neque Cæsari solum, sed etiam amicis ejus omnibus, quos mihi amicissimos esse cognovi, pro te, sicut adhuc feci, libentissimè supplicabo. Vale.

D. Brutus

D. Brutus M. T. C. S. D. Fam. 11. 13.

**J**Am non ago tibi gratias: cui enim re vix referre possum, huic verbis non patitur res satisfieri. Attendere te volo quæ in manibus sunt. Quæ enim prudentiâ es, nihil te fugiet, si meas literas diligenter legeris. Sequi confestim Antonium his de causis (Cicero) non potui: eram sine equitibus, sine jumentis. Hircium periisse nesciebam. Cæsari non credebam prius, quàm convenissem, & collocutus essem. Hic dies hoc modo abiit. Postridie manè à Pansa sum accersitus Bononiam. Cùm in itinere essem, nuntiatum mihi est eum mortuum esse. Recurri ad meas copias: sic enim verè eas appellare possum: sunt extenuatissima, & inopiâ omnium rerum pessimè accepta. Biduo me Antonius antecessit, itinere multò majore fugiens, quàm ego sequens: ille enim iit passim, ego ordinatim: quacunque ivit, ergastula solvit, homines arripuit. Constitit nusquam prius, quàm ad vada venit: quem locum volo tibi esse notum: jacet inter Appenninum & Alpes, impeditissimus ad iter faciendum. Cùm abessem ab eo millia passuum triginta, & se jam Ventidio conjunxisset, concio ejus ad me est allata: in qua petere cœpit à militibus, ut se trans Alpes sequerentur; sibi cum Marco Lepido convenire. Succlamatum est, & frequenter à militibus Ventidianis (nam suos valde quàm paucos habet) sibi aut in Italia pereundum esse, aut vincendū. Etiam orare cœperunt, ut Pollentiam iter facerent. Cùm sustinere  
eos



cos non posset, in posterum diem iter suum contulit. Hac re mihi nuntiata, statim quinque cohortes Pollentiam pramissi, meumque iter eò contuli. Horà antè presidium meum Pollentiam venit, quàm Trebellius cum equitibus. Sanè quàm sum gavisus! in hoc enim victoriam puto consistere. In spem venerant, quòd neque Planci quatuor legiones omnibus suis copiis pares arbitrabantur, neque ex Italia tam celeriter exercitum trajici posse credebant. Quos ipsi adhuc satès arroganter Allobroges, equitatusque omnis qui eò pramissus erat à nobis, sustinebant; nostròque adventu sustineri faciliùs posse confidimus. Tamen si quo etiam casu Isaram se trajecerint, nè quid detrimenti Reip. injungant, summa à nobis dabitur opera. Vos magnum animum optimamque spem de summa Reipub. habere volumus; cùm & nos, & exercitus nostros singulari concordia conjunctos, ad omnia pro vobis videatis paratos. Sed tamen nihil de diligentia remittere debetis, darèque operam, ut quàm paratissimi ab exercitu reliquisque rebus pro nostra salute contra sceleratissimam conspirationem hostium confligamus; qui quidem eas copias, quas diu simulatione Reipub. compararunt, subito ad patriæ periculum converterunt. Vale.

M. T. C. Bruto S. ad Brut. Epist. 2.

**S**cripta & obsignata jam epistolà, litera mihi reddita sunt à te, plena rerum novarum, maximeque mirabiles: Dolabellam quinque cohortes misisse

fisse in Cherronesum. Adeone copiis abundat, ut is, qui ex Asia fugere dicebatur, Europam appetere conetur? Quinque autem cohortibus quidnam se facturum arbitratu est, cum tu eò quinque legiones, optimum equitatum, maxima auxilia haberes? Quas quidem cohortes spero jam tuas esse; quoniam latro ille tam fuit demens. Et tuum consilium vehementer laudo, quod non prius tuum exercitum Apolloniâ Dyrrachiôque movisti, quam de Antonii fuga audisti, Bruti eruptione, populi Romani victoriâ. Itaque quod scribis, postea statuisse te ducere exercitum in Cherronesum, nec pati sceleratissimo hosti ludibrio esse imperium populi Romani, facis ex tua dignitate, & à Repub. Quod scribis de seditione, qua facta est in legione quarta de Antoniis (quod dicam, in bonam partem accipias) magis mihi probatur militum severitas, quam tua. Te benevolentiam exercitus equitumque expertum esse, vehementer gaudeo. De Dolabella, ut scribis, si quid habeas novi, facies me certior: in quo valde delector, me antè providisse, ut tuum iudicium liberum esset cum Dolabella belli gerendi: & id valde pertinuit, ut ego tum intelligebam, ad Remp. ut nunc iudico, ad dignitatem tuam. Quod scribis me maximo odio egisse, ut insectarer Antonios, idque laudas; credo ità videri tibi: sed illam distinctionem tuam nullo pacto probo: scribis enim, acrius prohibenda bella civilia esse, quam in superatos iracundiam exercendam. Vehementer à te,  
Brute,

*Brute, dissentio; neque clementiæ tuæ concedo: sed salutaris severitas vincit inanem speciem clementiæ. Quòd si clementes esse voluerimus, nunquam deerunt bella civilia. Sed de hoc tu videris. De me possum idem, quod Plautinus pater in Trinummo; Mihi quidem ætas acta ferme est, inâ istuc refert maximè. Opprimemini (michi crede) Brute, nisi provideritis: neque enim populum semper eundem habebitis, neque Senatum, neque Senatus ducem. Hac ex oraculo Apollinis Pythii edita tibi puta: nihil potest esse verius. Vale. 14. Cal. Maii.*

M. T. Cicero S. D. Titio. Fam. 5. 16.

**E***tsi unus ex omnibus minimè sum ad te consolandum accommodatus, quòd tantum ex tuis molestiis cepi doloris, ut consolatione ipse egerem: tamen cum longiùs à summi luctûs acerbitate meus abesset dolor quàm tuus, statui nostræ necessitudinis esse, meaq; in te benevolentia, non tacere tanto in tuo mœrore tamdiu; sed adhibere aliquam modicam consolationem, quæ levare dolorem tuum posset, si minùs sanare potuisset. Est autem consolatio per vulgata quidem illa maximè, quam semper in ore atque in animo habere debemus; homines nos ut esse meminerimus, eâ lege natos, ut omnibus fortune telis proposita sit vita nostra: neque esse recusandum, quò minùs eâ, quâ nati sumus, conditione vivamus; nève tam graviter eos casus feramus, quos nullo consilio vitare possumus; eventisq; aliorum memoriâ repetendis, nihil accidisse nobis*

nobis novicogitemus. Neque hæ, neque cætera consolationes, quæ sunt à sapientissimis viris usurpata, memoriæq; & literis proditæ, tantum videntur proficere debere, quantum status ipse nostræ civitatis, & hæc perturbatio temporum perditorum: cum beatissimi sint, qui liberos non susceperunt; minùs autem miseri, qui his temporibus amiserunt, quàm si eosdem bonâ, aut denique aliquâ Reipub. perdidissent. Quod si tuum te desiderium movet, aut si tuarum rerum cogitatione mœres: non facile exauriri tibi istum dolorem posse universon puto. Sin illa te res cruciat (quæ magis amoris est) ut eorum qui occiderunt miseras lugeas: ut ea non dicam quæ sapissime & legi & audivi, nihil mali esse in morte; in qua si resideat sensus, immortalitas illa potiùs, quàm mors ducenda sit; sin sit amissus, nulla videri miseria debeat, quæ non sentiatur: hoc tamen non dubitans confirmare possum, ea misceri, parari, impendere Reip. quæ qui reliquerit, nullo modo mihi quidem deceptus esse videatur. Quid est enim jam, non modo pudori, probitati, virtuti, rectis studiis, bonis artibus, sed omnino libertati, ac salutis loci? Non mehercule quenquam audivi hoc gravissimo & pestilentissimo anno, adolescentulum aut puerum mortuum, qui mihi non à diis immortalibus ereptus ex his miseriis, atque ex iniquissima conditione vitæ videretur. Quare, si tibi unum hoc detrahi potest, nè quidiis, quos amasti, mali putes contigisse;

gisse; permultum erit ex mœrore tuo diminutum: relinquetur enim simplex illa jam cura doloris tui qua non cum illis communicabitur, sed ad teipsum propriè referetur. In qua non est jam gravitatis ac sapientie tue, quam tu à pucro præstitisti, ferre immoderatiùs casum incommodorum tuorum, qui sit ab eorum, quos dilexeris, miseriâ maloque sejunctus. Etenim eum semper te & privatis in rebus & publicis præstitisti, tuenda tibi ut sit gravitas, & constantie serviendum. Nam quod allatura est ipsa diuturnitas, qua maximos luctus vetustate tollit, id nos præripere consilio prudentiâque debemus. Etenim si nulla unquam fuit, liberis amissis, tam imbecillo mulier animo, qua non aliquando lugendi modum fecerit; certè nos, quod est dies allatura, id consilio antè ferre debemus; neque expectare temporis medicinam, quam representare ratione possimus. His ego literis si quid profecissem, existimabam optandum quiddam me esse assejunctum: sin minùs fortè valuissent, officio tamen esse functum benevolentissimi atque amicissimi, quem me tibi & fuisse semper existimes velim, & futurum esse confidas. Vale.

FINIS.



ss:  
ii  
m  
ac  
a-  
fi  
a-  
s  
a  
t  
t  
a  
d  
y  
s  
-  
e  
s